



彈
詞
註

五卷
南北史

六卷
五胡



廿一史彈詞註卷之五

成都楊慎用修編著

漢陽張三異禹木增定

男仲璜別麓註
會孫任佐較刊

第五段 說南北史 清平樂

閒行閒坐不必爭人我百歲光陰彈指過成得甚麼功
果 昨日羯鼓催花今朝疎柳啼鴉王謝堂前燕子不
知飛入誰家 詩曰

燕子來時春雪消幾家留得舊窩巢風流王謝無蹤
跡剩水殘山似六朝

彈詞註卷五

剩水殘山古今又今達時人物此登臨詩吟杜牧孤鴻
句淚落雍門一操琴老去深藏經濟手病來灰却戰
爭心殘篇話到興亡處閒悶閒愁海樣深

詠月嗙風詩罷講談今道古話重論花花草草春如
舊古古今今事不倫昨日紅顏今日老前人事業後
人評水絃橫寫官商調話本敷宣錦繡文不用新詞
誇粉黛全將故典說豪英話傳史記中間事論采儒
官筆下文躍馬橫鎗誇猛將鋪謀定策羨文人文添
秀士經綸志武助英雄戰鬪心寶劍重磨光射斗金
鐘再撞響穿雲知音君子休心困再聽新文接舊文

詞分兩項事有別端昨來說到三國鼎分話兼兩晉今
日整理六朝人物直至隋文東晉末按此當作隋文纂
周末東晉二字疑

誤

劉宋者劉裕篡了司馬氏是為宋高祖景初在傳

廢主營陽王景平在位一年

文帝元嘉在位三十年

孝武帝孝建在位十一年大明前廢主子業景初在位一年

明帝泰始在位六年泰豫後廢主昱元徽在位五年

順帝昇平在位三年凡八主六十年蕭道成篡之

蕭齊者蕭道成是為齊太祖建元在位四年傳

武帝永明在位十一年隆昌在位六月

海陵王延興在位六月永泰在位五年

東昏侯永光在位二年中興在位一年凡七主共

二十四年蕭衍篡之

彈詞註卷五

蕭梁者蕭衍是為梁武帝天監普通大同中大中大大清

十八年傳

簡文帝大寶在位二年承聖在位三年

敬帝紹泰在位三年凡四主共五十六年陳霸先篡之

陳陳者陳霸先是為陳武帝永定在位三年傳之

文帝天嘉在位七年光大在位二年

宣帝大建在位十四年至德在位七年禎明凡五主

共三十三年

蕭譽者借兵西魏殺叔元帝稱帝江陵名後梁大定在位七年

年傳

歸天保在位二十四年廣運在位二年凡三主共三

十三年被隋廢國除

末齊梁陳謂之南朝皆在金陵建都那時元魏拓拔氏自稱皇帝謂之北朝同天共日後高齊宇文周接連在北按元魏之初三國曹瓚景元二年有匈奴索頭沙獫汗入貢至晉武帝咸寧九年復來入貢衛瓘表奏留在并州後世子孫拓拔珪稱帝建號魏國是為五胡後北朝之始

北朝魏太祖者姓拓拔名珪號稱道武皇帝天興賜稱帝

十二年傳之

明元永興神瑞泰在位十一年

十八年在位二

太武始光神麋延和在位十四年
文成興安興光太安在位十四年

彈詞註卷五

獻文天安皇興在位五年

孝文延興承明大和在位二十九年

宣武帝景明正始永平在位十六年

孝明熙平神龜正光在位十三年

子釗

孝莊永安在位三年

敬帝建明在位一年

節閔普泰在位一年

中興王中興在位一年

孝武永熙在位三年

靜帝天平元象興在位十七年

文帝大統武定在位十六年

廢帝在位二年

恭帝在位凡一十七主共一百六十年

孝武時丞相高歡奉靜帝遷居鄴都是為東魏丞相宇文泰奉文帝遷都長安是為西魏傳廢帝恭帝後來高

歡之子高洋奪了東魏是為北齊宇文泰之子宇文覺

歡之子高洋奪了東魏是為北齊宇文泰之子宇文覺

奪了西魏是為後周

北齊者始高洋篡東魏僭號文宣帝天寶位十年在傳

廢帝乾明在位一年 孝昭皇建在位一年

武成太寧河清在位四年 後主天統承光在位十二年 武平隆化

五主共二十八年為周武帝所滅

後周者始宇文覺篡西魏僭號孝閔帝在位一年傳之

明帝武成在位四年 武帝保定天和建德在位十七年

滅了高齊再傳

宣帝宣政在位二年 靜帝大象在位二年 凡五主共

二十六年被靜帝外公楊堅篡奪外甥之位滅了周朝

南併陳後主天下方纔一統南北兩朝共計一百七十

彈詞註卷五

四

三年中間五胡亂華有五涼四燕三秦二趙一夏一蜀

共十六國迭興迭滅於晉魏之間未及細論且將南史

北史流傳世代興亡治亂因繇略加品題以奉知音

東晉主北朝強江南寡弱

義熙年桓元反國勢伶仃

桓元反於晉安帝元興元年至二年元廢安帝而自立三年元誅帝復位始改元義熙國運斷而後續者

又十

劉寄奴起義兵法除逆黨

劉裕彭城人勇健有大志嘗伐荻新洲見大蛇長數丈射之聞杵臼聲見青衣童子數人於榛中搗藥問故曰我王為劉寄奴所射合散傳之裕曰王神何不殺之曰劉寄奴王者不死叱之皆散起義法逆討是第四卷晉安帝亂荒荒

劉裕小字寄奴

生擒著數天子北戰南征

裕始滅楚帝桓元繼擒南燕主慕容超南梟盧循西
珍蜀王譙縱北降秦主姚泓後子業入太廟指高祖
像曰渠大英雄
生擒數天子

專廢立總百官志方曹操

裕廢安帝立恭帝自封宋公總百揆崔浩謂
魏主曰劉裕之平禍亂司馬德宗之曹操也

老奸雄無對手二十餘春

裕奮起寒微不階尺土所向無前裕自討
孫恩為叅軍至即位凡用兵二十一年

敦孝道謹威儀清心寡欲

裕事蕭太后素謹及即位春秋已高每旦入朝未嘗
失時刻又嚴整有法度清簡寡欲財帛皆在外府內
無私藏

簡嬉遊甘衣素不置妃嬪

裕遊宴甚稀被服居處儉於布素嬪御至少嘗
得後秦高祖從女有寵謝晦微諫即時遣出

彈詞註卷五

五

禁奢侈却禎祥身兼八行

寧州有獻琥珀枕者裕以琥珀可治金鎗碎之以賜
將士嶺南獻一端入筒細布一端入丈裕惡其精麗勞人
還之並制嶺南禁作此布內外奉禁莫敢為奢靡性
不信奇怪徵時多符瑞及貴史官審以所聞拒而不
答胡致堂曰宋高祖孝於後母為其盛德而嚴正有
度清簡寡欲被服布衣遊宴稀嬪御少不蓄私藏及
戒母后不得預政此入者皆人君之要行也宜其
徒步提劍終取符璽也哉 嶺南謂五嶺之南

占龍牀一二載稱了平生

裕篡晉即位是為
宋高祖三年而殂

所可恨儘不肖兩番弑主

裕先使王韶之以散衣縊晉安帝於東堂後又
使褚淡之以被掩殺晉廢主零陵王於秣陵

不仁心天鑒察自有支分

胡致堂曰劉裕屢行弒逆取國如此而欲子孫永享是以天為茫昧也朱氏曰宋高帝弒二君以竊大位亦猶晉魏之故智也至以欣然遜位之恭帝不使如山陽陳留之令終忍為禪代者依備亦不仁甚矣故八主五十九年竟至族滅良有以也

臨顧命戒當朝無煩母后

高祖疾甚召徐羨之傅亮謝晦檀道濟同被顧命曰後世若有幼主朝事一委宰相母后不煩臨朝謝宣明

營陽王親長子寸善無聞

高祖殂長子義符即位後被廢為營陽王在位一年修池築觀朝成暮毀好為無道營陽宋郡名今永府州

廢喪禮拒忠言褻狎左右

王居喪無禮拒諫不聽好與左右狎戲鞭朴無辜以為笑樂

彈詞註卷五

六

徐羨之行廢弒文帝稱尊

司空徐羨之以義符不德欲廢之乃召檀道濟及江州刺史王宏入朝以謀告之謝晦聚將士於府內使中書舍人邢安泰潘盛為內應時義符出於華林園雲龍門安泰等先誡宿衛母德軍士進扶義符出收璽綬稱皇太后令數義符過惡廢為營陽遷於吳使安泰就弒之義符多力突走出閭門追者以門關辟而弒之傅亮帥行臺百官迎宜都王義隆於江陵入承大統是為太相文帝即位檀道濟以時收剪羨罪命中領軍劉彥之北走被執伏誅謝晦時出為之走至新林自經死亮出走被執伏誅謝晦時出為荊州刺史帝自將討晦誅之華林園在江寧府上元縣治東北五里臺城內吳今蘇州宜都縣名屬荊州府

宋文帝享長年康寧治理

文帝名義隆高祖第五子帝仁厚恭儉勤於為政守法而不峻容物而不弛三十年間四境之內晏安無事戶口蕃息講誦相聞士敦操尚鄉恥輕薄江左風俗於斯為美後之言政治者元嘉稱最

挑強敵勤遠略白面書生

文帝欲經略中原羣臣爭獻策以迎合取寵彭城太守王元謨尤好進言文帝謂侍臣曰觀元謨所陳令人有封狼居胥意乃大舉伐魏較尉沈慶之曰我時彼騎其勢不敵今元謨等未踰兩將六軍不過往時恐重辱王師帝使徐湛之等難之慶之曰陛下欲伐國而與白面書生輩謀事何由濟帝不聽

羊禦狼空歎息縱橫胡馬

王元謨等伐魏魏兵號百萬元謨懼退走魏主引兵南下進次瓜步聲言欲渡江建康震懼文帝登石城有憂色歎息曰檀道濟若在豈使胡馬至此初參軍周朗疏言今人知不以羊禦狼蟹捕鼠而令重車弱卒與肥皂悍胡相逐其不能耐飢渴失一狼走千之語曰匈奴常言漢雖大然不耐飢渴失一狼走千羊蓋匈奴以狼自喻以羊喻漢也

聽讒言殺道濟自壞長城

彈詞註卷五

七

初司空檀道濟立功前朝威名甚重左右心腹並經百戰諸子又有才氣朝廷疑畏之文帝久疾未愈領軍將軍劉湛說司徒義康以為官車一日晏駕道濟不可復制義康請召道濟因朕寢疾規肆禍心收付廷疾動義康下詔稱道濟因朕寢疾規肆禍心收付廷尉并其子植等十一人誅之道濟見收憤怒目光如炬脫憤投地曰乃壞汝萬里長城魏人聞之喜曰道濟死吳子輩不足復憚人

輕戰伐禍生靈燕巢林木

魏人攻宋南兗徐兗豫青冀六州皆破之殺掠不可勝計丁壯者即加斬截嬰兒貫於槊上盤舞以為戲所過郡縣赤地無餘春燕歸巢於林木邑里蕭條文帝謂江湛曰北伐之計同議者少今士民勞怨予之過也南兗宋州名今揚州府豫州名即今開封府陳州徐今江南徐州

兇兒報因巫蠱手刃其親

吳興巫嚴道育自言能使鬼物因東陽公主婢王鸚鵡出入主家主與太子鄧及潘淑妃所誥責遂與道育鸚鵡俱信惑之鄧濬多過失鄧為帝所詰責遂與道育鸚鵡及主奴陳天與黃門陳慶國共為巫蠱疎王為

文帝像埋於含章殿前鸚鵡先與天與通恐事泄白
邵密殺之慶國懼曰巫蠱事惟我與天與宣傳往來
今天與死我危矣乃白帝即收鸚鵡並搜得邵濟所
埋玉人道育亡命不獲邵濟懼謝帝意欲廢之更立
太子南平王鐸如江湛之妹隨王誕與徐湛之立
湛欲立鐸湛之勸以誕議久不決帝與湛之屏人語
或連日累夕既而以謀詐為諂告潘淑妃如告濟馳
報邵邵乃謀為逆詐為諂告潘淑妃如告濟馳
邵以朱衣加戎服上乘畫輪車而入舊制東宮隊不
得入城邵以偽詔示門衛曰受敕有所收討隊未
聞拔刃徑上合殿文帝指皆落遂被弑湛之亦被殺
滅見邵入舉几捍之五指皆落遂被弑湛之亦被殺
吳興今湖州府含章殿在江寧府上元縣治東北
五里臺城內即壽陽公主日臥簷下梅花點額處
宋武更造正元玉燭紫極諸殿內有含章殿合殿在
紫宸殿北杜甫紫宸退朝口號香飄合殿春風轉南
府今安鄉縣屬岳州

宋孝武誅逆邵新亭即位

武帝名駿文帝第三子初為江州刺史邵行弑遽即
位下詔曰徐湛之江湛弑逆無狀吾勒兵入殿已無

彈詞註卷五

八

所及今罪人斯得可大赦改元太初密與沈慶之手
書令弑駿慶之以書示駿因謀舉兵討邵以慶之領
府司馬柳元景為叅佐元景潛至新亭依山為壘邵
使蕭斌等統兵來攻元景開壘鼓噪乘之邵眾大潰
遂克臺城邵入武庫井中隊副高禽執之斬邵及四
子於牙下新亭在江寧府城南一十五里俯近江
渚臺城在江寧上元縣治東北五里本吳後苑城即
晉建康宮城也

義宣反竟陵及內醜難聞

孝武淮南郡王義宣諸女義宣恨怒江州刺史臧質
等遂與義宣定謀舉兵反孝武以王元謨討之義宣
安都帥突騎衝陣陷之質等大敗垣護之燒江中舟
艦延及西岸營壘殆盡諸軍乘勢攻之義宣兵潰質
逃於南湖追斬之義宣走江陵荆州刺史朱修之入
斬之初誣居中以為南竟陵王誕皆有鎮廣陵武畏忌
之不欲誣居中以為南竟陵王誕皆有鎮廣陵武畏忌
廣陵反詔沈慶之討之誕閉門自守奉表投城外數
孝武罪惡曰陛下宮闈之醜豈可三絨孝武大怒慮

誕奔魏使慶之斷其走路進攻廣陵克之誕走追斬南湖在武昌縣東竟陵今景陵縣屬安陸府

恣侮慢老僮狎遊拒諫

帝好狎侮羣臣自太宰義恭以下無不穢辱常呼光祿大夫王元謨為老僮僕射劉秀之為老僮其餘長短肥瘦俱有稱焉又每飲遊無度嘗夜出還敕開門侍中謝莊居守以榮信或虛須墨敕乃開帝怒曰卿欲效鄧君章耶侍中沈懷文數以直諫忤旨嘗出射雉風雨驟至懷文曰風雨如此非聖躬所宜冒帝注弩作色曰卿欲效顏竣耶出為廣陵太守尋賜死吳人謂中州人為僮僮悒也 僮音振

笑高皇田舍翁葛布燈籠

壞高祖所居陰室於其處起玉燭殿與羣臣觀之牀頭有土障壁上掛葛燈籠麻繩拂侍中袁顛因盛稱高祖儉素之德帝曰田舍翁得此已為過矣

貪酒色肆淫刑繁興土木

帝沉湎於酒每燕集在坐者必令沉醉荒淫於色闈門無禮不擇親疎尊卑皆亂之流聞民間寵一崑崙

彈前註卷五

九

奴嘗令以杖擊羣臣濫刑無罪殺東揚州刺史顏竣殺廬陵內史周朗又殺廣陵太守沈懷文懷文三子行哭請命卒殺之自晉北渡江以來宣室草創至是大修宮室土木被錦繡賞賜傾府藏起玉燭殿築上林苑苑在江寧府東北十五里一名芳林苑

世相承刀斫戮不顧人倫

帝自即位以來殺南平王縹武昌王渾而義宣竟陵及海陵王休茂之反骨肉狼籍及傳子業剪髮宗姓心如狼虎再傳明帝勦滅同氣相承屠戮發明曰孝武不道淫亂繼行其諸子靡一子遺蓋天醜共行云爾人倫註見

下人倫句

昏醉了十一年傳之子業

孝武終日酣飲嘗憑几昏睡至是殂於玉燭殿在位十一年傳太子子業是為廢帝

踵遺踪狂且暴穢德閨門

子業幼而狂暴及即位傲狠暴虐初武帝多猜忌大臣重足屏息及殂太宰江夏王義恭等相賀曰今日

得免橫死矣至是子業誅戴法與殺義恭及柳元景等公卿以下皆被捶拽如奴隸矣 穢德閨門註見下

姑新蔡姊山陰人倫道盡

寧朔將軍何邁尚文帝第十女新蔡公主子業納公主於後宮詠言主薨殺官婢送邁第殯葬以公主為貴嬪改姓謝氏于業姊山陰公主淫恣謂帝曰妾與陛下俱託體先帝陛下左右數十人子業召諸妃事不均平帝乃為立面首左右三十人于業召諸妃列於前強左右使辱之南平王鑣妃江氏不從艱妃一百而殺其三子蔡興宗謂沈慶之曰主上所行人倫道盡改德眇行無可復望 面首左右謂選面之美者髮之美者為左右也新蔡縣名今屬汝寧府山陰縣名今屬紹興府 新蔡公主名英媚山陰公主名

戲列相芟宗姓恃虐人禽

子業令太廟別畫祖考之像入廟指高祖像曰渠大英雄生擒數天子指太祖像曰渠亦不惡但未年不

譚詞註卷五

十

免兒所去頭指世祖像曰渠大黷鼻如何不黷立召畫工令黷之又殺江夏王義恭新安王子鸞南海王子師南平王徽猷廬陵王徽先安南侯徽淵又畏忌諸父恐其在外為患皆拘於殿內毆捶陵曳無殺王理湘東王或體肥謂之猪王謂建安王休復為殺人山陰王休祐為賊王東海王禕性凡劣為驢王以木槽盛食嘗裸或縛其手足擔付大官曰今日屠猪太后王氏病篤使呼子業子業曰病人間多鬼那可往子業恃太后辱諸父戲列祖恃虐生道四心盡亡恃虐又註見下句 南海今廣東廣州府湘東心盡亡恃府隸湖廣建安今福建建寧府山陽古地名今為淮安府晉安今泉州大官殿名 黷字從臚音查鼻上炮也孝武后王憲嫔

真天子出湘中質不及熟

初子業狂暴欲有所為戴法與輒抑制之所幸闈人華願兒怨法與裁其賜與言於子業曰道路皆言法與為真天子官為質天子子業遂賜法與死時民間訛言湘中出天子子業將南巡荆湘以厭之欲先誅湘東王或乃發後子業遊華林園竹林堂使官人裸相逐一人不從命斬之夜夢女子罵曰恃虐不道明

年不及熟矣
屢音雁偽物也

因射鬼竹林堂刀下亡身

時三王久幽湘東王或主衣阮佃夫及子業左右請
寂之王微則等陰謀弑之適子業以前夢女子於宮
中求得一人似所夢者斬之又夢所殺者罵曰我已
訴上帝矣於是巫覡言竹林堂有鬼子業出華林園
休仁休祐並從子業與羣巫綵女射
鬼於竹林堂寂之等抽刀前弑之

明帝或甫即位子勛爭立

子業既弑休仁等就秘書省見或宣太后令命湘東
王纂承大統或遂即位是為明帝文帝第十一子也
亦子業以太祖世祖在弟兄數俱第三晉安王子勛
初第三心惡之使朱景雲送藥賜子勛死子勛遂與
長史鄧琬等舉兵江州及聞明帝繼統琬等詐稱受
太后璽書帥將佐上尊號子勛遂稱帝傳檄建康雍
郢荊州會稽郡
皆舉兵應之

討江州誅鄧琬遠害休仁

彈詞註卷五

十一

帝遣建安王休仁討江州以沈攸之將兵擊潯陽軍
破之遂進攻江州初子業使荆州錄送長史張悅至
澠口鄧琬稱子勛命釋其桎梏迎為司馬至是琬憂
懼無措向悅問計欲斬子勛封府庫以謝罪悅遂斬
琬詣休仁降攸之斬子勛傳首建康諸州皆平休仁
既成大功任總百揆親寄甚隆由是朝野輻輳明帝
不悅後召休仁入宿尚書省遣人齎藥賜死溢口
溢浦之口在九江府城西十五里源出瑞昌縣青盆
山亦名盆水

忍秉心假文談嫌人觸諱

帝頗好文義舊臣才學之士多見拔擢然猜疑畏忌
言語文字有禍敗凶喪疑似之語失迴避者犯即誅
戮

前宗枝殺同氣傳作螟蛉

帝因子勛爭立討殺之遂並殺武帝第六子潯陽王
子房第七子臨海王子項年皆十一歲第九子永嘉王
子仁第十子始安王子真年皆十歲第十三年子邵
陵王子元年九歲第十六子淮南王子孟年八歲第

二十一子東平王子嗣年四歲子趨子期子越方在
襁褓未封安陸王子綏已出繼盡殺之明帝於武帝
為親昆弟至是使武帝二十八子靡有子遺又殺兄
廬江王綽弟晉平王休祐建安王休仁巴陵王休若
及卒傳祚於子昱昱官人陳氏之子初以陳氏甥嬖
人李道兒已復迎還生昱裴子野曰太宗保字螟蛉
勤拉同氣宋德告終非天廢也螟蛉詩小宛篇螟
蛉有子螟蛉負之桑上青蟲也螟蟻土蜂也取桑蟲
負之入空木中祝之曰類我類我七日而化為其子
臨海縣名屬台州府邵陵今湖廣寶慶府松滋縣名
屬荆州府廬江縣名屬廬州府晉平福建福州府
已陵今湖廣岳州府 陳氏名妙登蟬音果羸音羅

元徽主李將軍與心醜母

昱即位收元元徽自以李道兒之子每微行自稱李
將軍昱失德皇太后每加勗警太后賜昱王柄毛扇
昱嫌毛羽不華欲加勗害左右曰若行此
事官便作孝子乃止 明帝后王貞風

張勿鋸布鋌矛路絕行人

昱驕恣日甚無日不出從者並執鋌矛逢無免者民
間擾懼行人殆絕鍼椎鑿鋸不離左右喜以鍼椎
人陰破一日不斂則慘然不樂單騎遠郊獨宿深野
手揮牙鋌躬行刺斫飛鏃鼓劒裂孩稚肝腸投骸江
杜叔文皆手自斃割飛鏃鼓劒裂孩稚肝腸投骸江
流以為懼笑 鋌牙鐵把短牙也 鋌音蟬斫音挺
也斬

彈詞註卷五

士

蕭領軍腹射棚君臣懷忌

蕭道成為中領軍昱忌其威名欲殺之常直入領軍
府道成晝卧裸袒昱令起立畫腹為的引滿將射之
道成斂板曰老臣無罪乃更以體箭射中其臍投弓
大笑由是道成畏忌密與袁粲褚淵謀廢立 體箭
骨鐵箭不能傷 體音泊

跳臺岡偷狗喫授首於人

蕭道成與褚淵謀廢昱命越郡校尉王敬則陰結昱
左右楊玉夫楊萬年陳泰伯等使伺機便至是昱乘
露車與左右於臺岡跳跑至新安寺偷狗喫飲乘
醉還玉夫萬年刎其首奉伯袖之出與敬則馳詣領

軍府道成戎服乘馬入宮以太后令迎立安成王準

越郡未詳疑今紹興臺岡或謂即臺城也安成今

河南信

宋順帝走丹陽齊公受禪

順帝名準明帝第三子初明帝密取諸王姬有孕者入宮生男則殺其母而使寵姬育之準乃桂陽王休範子在位三年禪位於齊公蕭道成貶為汝陰王徙之丹陽置兵守衛汝陰今鳳陽府潁州丹陽即古建康東晉元帝都此置丹陽郡宋齊梁陳因之隋平陳廢郡即今江寧府順帝係昭華陳法容撫育

可憐哉石頭城袁粲捐生

中書監袁粲與尚書令劉秉謀誅道成將帥黃回卜伯興皆與通謀時領軍將軍劉韞入直門下省伯興為直閭回等出屯新亭粲矯太后令使韞伯興帥宿衛兵攻道成於朝堂回等帥所領為應秉等並赴石頭本期夜發秉賄後即束裝盡室奔石頭粲曰何事遽來令敗矣道成聞之使王敬則殺韞及伯興又遣戴僧靜蘇烈等攻粲秉踰城走粲謂其子景曰本知一木不能止大廈之崩但以名義至此僧靜踰城

彈詞註卷五

十一

獨進最以身衛粲謂景曰我不失忠臣汝不失孝子遂父子俱死百姓謠曰可憐石頭城寧為袁粲死不作褚淵生秉父子亦為逆者所殺

願勿生帝王家相承報應

下金街彈指哭改換家門

道成欲受禪順帝不肯臨軒王敬則勒兵入迎順帝曰欲見殺乎敬則曰出居別宮耳官先取司馬家亦如此帝泣而彈指曰願後身世世勿生帝王家乃出就東邸

宋八主六十年匆匆過了

宋劉氏六主五十年假子二主七年共六十年

元嘉後何曾見一日昇平

元嘉文
帝年號

齊高帝蕭道成淡沉雅重

道成漢蕭何二十四世孫篡宋即位是為高帝
先封齊王國號齊帝博學能文深沉有大量

仗王褚移宋鼎廢弒嗣君

初道成廢弒主昱褚淵之力為多後欲篡宋吏部郎
王儉說道成曰宋氏失德非公豈復能濟遂倡議加
道成太傅假黃鉞及受禪侍中謝朓在直當解璽綬
朓曰齊自有侍中引枕卧王儉乃為侍中解璽綬司
空淵乃奉璽綬詣齊官勸進遂廢宋主於丹陽尋殺
之滅其族道成即位以淵為司空錄尚書事儉為尚
書令處士何點戲謂人曰我作齊書已竟贊曰淵既
世族儉亦國華不賴舅氏違恤國家尹氏曰王褚將
宋公主子為宋大臣顧以世臣華胄王室懿親忍將
外王父之家國輸之崛起之權奸曾狗彘之不若哉

愛猶子宣城鸞階之為禍

道成兄道生之子鸞早孤道成養之恩過諸子封宣
城公鸞表曰臣本庸才幸高皇帝篤猶子之愛隆家
人之慈顧氏曰道成篤猶子之愛階之為禍則當篡
位之初而伐枝之斧反噬之狼已在肘腋間矣
宣城名屬江南寧國府

彈詞註卷五

十四

躬節儉期十載糞土黃金

高帝性清儉主衣中有玉導帝曰留此正長病源即
命擊碎每日使我治天下十年當使黃金與土同價

無大功竊宸居四年享祚

宋魏弁曰蕭氏父子無大功於天下既以逆取不能順守在位四年

老升遐傳長子寶位相承

道成殂傳位長子名頤是為武帝

齊武帝性剛明總持大體

革晉宋因仍樊府庫充盈

外和魏內恤民甚稱良主

顧充曰武帝剛毅有斷惟總大體革晉宋之弊政而
以富國為先外好強魏內保舊基封刃行誅玩法者
斂手故永明之世府庫充盈內外宴然亦有齊之良主也

愛羽毛疎骨月猿響哀鳴

武陵王曇多才藝而疎婢無寵常侍宴醉伏地貂
肉粹帝笑曰肉汙貂對曰陛下愛羽毛而疎骨月帝
不悅帝子荆州刺史巴東王子響有勇力好武事私
作錦袍絳襖欲以餉蠻交易器械仗長史劉寅以聞子
響怒殺之帝遣衛尉胡諧之將軍尹略等詣江陵檢
捕羣小子響遣使相問曰天下豈有兒反今便舸還
關受殺人之罪略答曰誰與汝反父人共語子響灑
泣具酒饌餉臺軍略棄之逃去建康帝陽尹蕭順之將兵繼
戰略敗死諧之使早為之所子響見順之欲自申明順之
密諭順之使早為之所子響見順之欲自申明順之
繼殺之夕之帝遊華林園見一猿透擲跳鳴問左右
對曰猿子前日墜崖死帝思子響因鳴咽流涕冠武
陵縣名屬常德府巴東縣名屬荊州府
貂尾為飾略拂
過也祥與槃通

大不幸子先亡太孫傳統

帝太子名長懋早卒立孫昭
業為太子孫帝殂昭業嗣位

彈詞註卷五

五

鬱林王六箇月見弒宣城

昭業好與左右微服遊走市里作諸鄙戲西昌侯鸞
諫不從心忌鸞欲除之以衛尉蕭湛征南諮議蕭坦
之皆祖父舊人甚親信之湛與坦見昭業狂縱日
甚乃勸鸞廢立鸞引兵入雲龍門昭業聞變猶為手
救呼湛俄而湛引兵入閣昭業拔劍自刺不入與接
而出行至西弄弒之以太后令追廢為鬱林王鸞自
亦作庠今人謂小巷及過道屋為弄疑即江左相傳
之語也

海陵王未半載仍前被害

鸞立昭業弟昭文為帝在位四月廢為海陵
王尋詐稱王有疾數遣御師瞻視因而殞之

宣城鸞堂叔占了龍庭

明帝鸞高祖兄始安貞王道生之子昭
文之堂叔祖也至是弒昭文而自立

魏臨江詒廢立漢宣謬比

明帝鸞高祖兄始安貞王道生之子昭
文之堂叔祖也至是弒昭文而自立

魏主以明帝自立伐之至壽陽齊豫州刺史豐城公
遙昌使參軍崔慶遠問出師故魏主曰齊主何故廢
立慶遠曰廢昏立明古今非一魏主曰卿主若不忘
思義何以不立近親而自取之乎慶遠曰霍光亦捨
近親而立上正可比宣帝耳且武王伐紂而不立微
其類也主上正可比宣帝耳且武王伐紂而不立微
子亦為貪天下乎魏主笑遣之
使使臨江數齊主之罪而還

索香火殄十王以次行刑

明帝先殺鄱陽王鸞隨郡王子隆安陸王子敬南平
王銳晉熙王球宜都王璽又殺桂陽王鐔江夏王鋒
建安王子真巴陵王子倫衡陽王鈞及有疾以近親
寡弱而高武子孫猶有十王欲盡除之以問始安王
遙光遙光以為當以次施行遙光每與明帝屏人久
語畢明帝索香火鳴咽流涕明日必有所岳西陽帝
疾甚暴絕遙光遂殺河東王鈇臨賀王子岷湘東王
子衡陽王子峻南康王子琳永陽王子岷湘東王
子建南郡王子夏桂陽王昭祭巴陵王昭秀等十人
於是太祖世祖及世宗諸子皆盡鉉等已死乃使公
卿奏其罪
詔誅之

彈詞註卷五

六

豺狼性五年終傳之寶卷

東海王楸文曰羽狼之性有甚
無俊在位五年殂傳子寶卷

雙潘妃行淫亂蓮步生金

寶卷克暴淫亂潘妃有國色嬖之以閭武堂為芳樂
苑於苑中立市肆共為禪販潘妃為市令自為市吏
百姓歌曰閭武堂種楊柳以至尊屠肉潘妃沽酒鑿
金為蓮花以貼地令潘妃行其上曰此步步生蓮花
也潘妃名玉兒本名俞尼子
裨一本作稗謂小販之民也

圍城中恬不思笙歌內院

南康王親弟兄弒貶東昏

寶卷弟南康王寶融為荊州刺史蕭衍為雍州刺史
長史蕭穎胄行府州事寶卷以衍有異志遣將軍劉
山陽就穎胄兵襲衍衍知其謀徧與州府書聲云山
陽西上并襲荆雍穎胄大懼遂伏兵襲山陽殺之乃
以寶融教纂嚴以衍都督前鋒起兵於江陵衍亦發
襄陽又稱奉海陵母宣德太后令遙廢寶卷為涪陵

王寶融自即位於江陵衍進攻江郢所向皆克直趣建康數戰皆捷寶泰將軍徐元瑜以求府城降李居士以新亭降衍鎮石頭寶卷閉門自守衍命諸君築長圍守之寶卷悉以軍事委王珍國解臣姦誅珍梅蟲兒說寶卷曰大臣不專意使圍舍人錢疆夜開雲龍門國及其副張稷懼禍使後閤舍人舍德殿作笙歌兵入斬珍國稷引兵入殿寶卷方在舍德殿作笙歌兵入斬之稷以黃紬裹寶卷頭遣博士范雲送詣石頭衍以太后令追廢寶卷為東昏侯東昏今蘭陽縣雍州今襄陽府南康今江西贛州

齊和帝弑其兄委身蕭衍

寶融明帝第八子結衍弑兄而自立是為和帝衍自為大司馬承制尋自為相國又進爵為梁王

貶巴陵求醉酒毒以生金

蕭衍篡位廢和帝為巴陵王乃使所親鄭伯禽詣姑孰以生金進王王曰我死不須金醇醪足矣乃飲沉醉伯禽就摺殺之巴陵縣名屬岳州府姑孰今太平府

齊七主短光陰二十四載

彈詞註卷五

十七

齊自太祖至和帝凡七主二十四年捷錄曰二十四年之七主齊祚之長視六朝最甚焉嗚呼高祖欲為子孫計以盡滅劉氏之族而子孫塗炭於明帝明帝亦欲為子孫計以盡滅本宗而子孫復傾覆於梁主夫然後知賊人以盡滅本宗而子孫復傾覆於梁者乃積禍以召殃者也

可憐生風雨過敗壞無存

梁武帝報兄讐生心奪位

衍兄懿先為齊尚書令東昏侯憚之賜懿藥於省中懿且死曰家弟在雍深為朝廷憂之時行為齊雍州刺史及聞兄死乃集僚佐謂曰昏主暴虐當與卿等共除之遂連弑二主終奪齊祚是為武帝先封梁公進爵為王

故國號梁

廣文學勤庶政禮待群臣

帝雅好儒術詔置五經博士廣開館宇招納後進人執筆觸寒手為皴裂群臣立學尤勤於政冠冕待臣必以禮對內豎小臣亦如遇大賓

刳獻奉抑奢靡求成於魏

帝斷郡縣獻奉躬持節儉長齋一食菜羹糲飯一冠三載一衾二年後遣使求成於魏魏遣董絡慰勞叛城帝召見遣還曰戰爭多年民物塗炭吾是以不恥先言自是南北修好使命常通

天監世治安久年歲豐登

天監武帝年號其時息兵省役海內宴然時和歲豐米斛二十錢

敬佛法造浮圖捨身同泰

帝敬信釋氏法捨身同泰寺設大會釋御服持法衣行清淨大捨素牀瓦器親為四眾講涅槃經羣臣以錢一億萬奉贖三請乃許後停寺講三慧經是夜同泰寺浮圖災帝曰此魔也宜廣為法事遂起十二層浮圖同泰寺在江寧府城中臺城內四眾比邱尼比邱尼出家二眾也優婆塞優婆塞此在家二眾也涅槃梵語華言示寂也佛說施燈文云願一切眾生皆得涅槃微妙光明言至涅槃者乃有微妙光明世人認以為死非人認以為死非人認以為死非人認以為死非

彈南註卷五

大

戒宰殺宗廟祀麩做犧牲

帝以宗廟用牲常有累冥道皆以麩為之於是朝野喧嘩以為宗廟去牲乃是不復血食竟不從

信守牧來降夢猴猴納叛

魏太傅大行臺侯景以河南叛附於梁先正月乙卯武帝夢中原守牧皆以地來降至是景遣丁和上表言舉十三州內附和至稱景於正月乙卯定計帝愈神之召羣臣定議僕射謝舉等曰頃與魏和邊境無事今納其叛臣竊謂非宜帝不聽封景為河南王遣兵援之猴猴註見下林池句

薄心腸致激變強弩衝城

果然是林池殃金甌缺環

初侯景納降帝意未決常獨言我國家如金甌無一傷缺今忽受景地脫致紛紜悔之何及中領軍朱異勸納之後東魏高澄作檄移梁曰侯景自生猜忌速託開隴依憑奸偽逆主定君臣之分偽相結兄弟之

親豈曰無恩終成難養今乃授之以利器論之矣但藏使其勢得容姦時想乘便老賊奸謀將復作矣但

恐楚國亡猿禍延林木城門失火殃及池魚彼梁主者必將禍生骨月釁起腹心強弩衝城長戈指關外崩中潰今實其時未幾澄遣書求成於梁司農卿傅岐曰高澄何事須和必是設間欲令侯景自疑圖禍亂耳帝不聽使還過壽陽景知之攝關具服乃啓帝自處帝報之曰朕與公大義已定豈有成而相納敗而相棄乎初帝以貞陽侯淵明伐東魏為慕容紹宗所擒景乃詐為鄴中書求以淵明易景帝復書曰貞陽且至侯景夕返景謂左右曰我固知吳老公薄心今臨漳縣貞陽汝寧府真陽縣

荷荷聲索蜜水餓死臺城

侯景反攻臺城陷之帝歎曰自我得之自我失之夫復何恨景入自加大都督錄尚書事帝為所制所求多不遂意飲膳亦為裁節憂憤成疾卧淨居殿口苦索蜜不得再曰荷荷遂殂 荷荷憤怒聲韻會云荷勞也蓋是若若之意

簡文帝受拘持寄身虎吻

彈詞註卷五

十九

簡文帝名綱武帝第三子武帝殂太子綱立立宣城王大器為太子時侯景自稱漢王宇宙大將軍都督六合諸軍事帝雖承父業受制賊臣文選云身寄虎吻危若朝露 上下四旁曰宇古往今來曰宙

樂遊苑聽笙歌無限傷情

景取簡文女溧陽公主甚愛之請簡文禳宴樂遊苑景與溧陽主共御牀南面並坐簡文聞絳竹淒然泣下景曰陛下何不樂上為笑景下席應弦而歌逼上起舞 樂遊苑在江寧府北七里覆舟山南溧陽縣名屬江寧府

迫禪位豫章王土囊遇弒

景行臺郎王偉說景廢立景從之遣彭雋等帥兵入殿廢簡文為晉安王幽於永福省殺太子大器而立豫章王棟偉復說景殺之以絕眾心景乃使偉與彭雋王修纂進觴簡文帝知將殺已盡醉而寢雋進土囊修纂坐其上而殂

子棟立被幽囚景自稱尊

棟立一月景廢為淮陰王鎖於密室景自稱漢帝
按棟乃統之孫歡之子也非簡文子後為元帝使朱
買臣流
之於水

梁元帝起湘東傷殘骨肉

元帝名繹武帝第七子先為湘東王遣兵攻河東王
譽於湘州岳陽王譽以蔡大寶守襄陽帥眾救之繹
遣兵襲襄陽劄通還繹遂攻湘州邵陵王綸致書曰
今社稷危取劄巨痛深惟應割血嘗膽泣血枕戈若
外難未除家禍仍構骨月之戰勞兵損義虧失多矣
繹不從竟克湘州殺譽 河東今平陽府蒲州岳陽
今長沙府湘陰縣湘
州即長沙府晉音察

視父兄在急難全不關心

繹武帝子簡文弟尹氏曰蕭梁禍敗宗社覆滅繹未
問遣一兵馳一騎勇於討賊必至父死兄弑始為進
攻蓋其包藏禍心欲借賊手以去其逼初不為父兄
而討賊也繹之處心如此故未幾而有江陵之禍國
祚尋亦
殄絕矣

彈詞註卷五

淮海鯨載鹽屍方纜授首

繹遣王僧辨陳霸先等討景景兵大潰與百餘騎東
走前太子舍人羊鴟殺景傳首江陵暴屍於市士民
爭食之初景宴集召僧通僧通取肉搗鹽以進景答
所恨太鹽僧通曰不鹽則爛及景死王僧辨截其二
手送齊文宣傳首江陵果以鹽五斗置腹中送建康
僧辨等上表勸稱尊號繹曰淮海長鯨雖云授首襄
陽短狐未全革面太平玉燭爾乃
議之長鯨喻景短狐喻岳陽王譽

討蜀紀絕屬籍狠刈同根

益州刺史武陵王紀頗有武略武帝死紀遂稱帝於
蜀後紀帥軍伐江陵繹請魏伐成都以救之魏宇文
泰遣尉遲迴自散關伐蜀紀將紀將侯暉破之拔其
憂懣不知所為繹將紀將紀將紀將紀將紀將紀將
三壘兩岸十四城俱降紀不獲退順流東下將軍樊
猛追擊之紀眾大潰猛圍而守之繹密敕猛曰生還
不成功也猛遂斬紀及其幼子圓滿又執圓照兄弟
三人送江陵繹絕紀屬籍下圓照等於獄絕其食而
死西陵今荆
州府夔陵州

著戎衣御龍光聽講老子

魏于謹率兵來欲避無門

釋講老子於龍光殿時魏遣柱國于謹帥師會後梁王營伐梁武陵太守告魏兵且至乃使王琛使魏時內外戒嚴釋始停講琛馳報曰吾至石楚境上帖然乃復開講百官戎服以聽魏軍濟漢釋出城行柵謹令築長圍中外遂絕謹字思敬仕周封燕國公

焚圖書數萬卷斯文燬燼

魏百道攻城梁反者開門納魏師釋退保金城乃焚古今圖書十四萬卷以寶劔擊柱折之歎曰文武之道今夜盡矣遂出降後梁王營使鐵騎擁之入官囚於烏幔之下或問何意焚書釋曰讀書萬卷猶有今日故焚之

巡城歌西陵歎酸鼻難聞

魏兵至柵下釋自巡城猶口占為詩羣臣亦有和者及江陵城剋帝製詩四絕其一曰南風且絕唱西陵

彈詞註卷五

三

最可悲今日還苦里終非封禪時

警殺叔帝江陵後梁建號

警昭明太子統之子元帝釋之姪警借兵西魏殺釋魏取襄陽徙警使稱帝於江陵屯兵守之是為後梁宣帝蕭統字德施小字維摩謚昭明

傳歸琮被隋朝廢作平民

宣帝殂傳子歸是為後梁明帝傳子琮是為末帝併入於隋隋文帝封琮為甚公

梁敬帝倚陳公廢而復立

敬帝名方智元帝第九子元帝被殺方智時為晉安王在江州迎至金陵即位齊以兵納梁貞陽侯淵明為帝以方智為太子稱帝七月陳霸先廢淵明復立方智

到頭來遭逼篡貶號江陰

霸先篡位廢敬帝為江陰王尋弑之

陳高祖名霸先梁朝宰輔

梁元帝時霸先為將軍敬帝時霸先為丞相尋封陳公進爵為王終篡敬帝位為陳高祖武帝

起江州討侯景屢建功勳

霸先初為始興太守侯景之亂起兵討景遣使詣湘東王受節度後與王僧辨等討景敗之景既殺元帝以為將軍遣屯京口始興今廣東韶州府

刈僧辨廢淵明弈棋建置

初霸先與王僧辨共滅侯景情好甚篤及齊遣淵明為帝僧辨納之霸先遣使爭之不從霸先曰武帝子孫甚多惟孝元能復讐雪取其子何罪而忽廢之吾與王公並處託孤之地而王公一且授立非次其志欲何為乎會有告齊師至者霸先部分將士使侯安都趨石頭軍入捧之投於女垣內象隨而入霸先兵亦自南門入僧辨方視事外白有兵俄而兵自內出僧辨被執殺之廢淵明為建安公捷錄曰敬帝既廢而又立貞陽已立而復廢數月之中一子一奪易君如棄梗置君如奕棋

彈詞註卷五

三

剪王琳敗齊師兵不留行

梁廣州刺史王琳伐陳次白水乞師於齊齊納梁永嘉王莊於梁軍以琳為丞相琳遂以莊稱帝進伐臨川為陳所敗琳還湘湖霸先是齊蕭軌與徐嗣徽伐兵十萬侵梁攻於蕪湖霸先遣沈泰就侯安都共據梁山禦之齊兵至秣陵霸先召周文育等禦之齊人跨淮立橋柵度兵夜至方山嗣徽列艦青墩斷文育歸路文育攻之斬其驍將鮑碎嗣徽因留蕪湖文育歸步上進及兒塘建康震駭霸先拒嗣徽於白城適與文育會將戰安都帥驍突其陳破之齊兵於白城適與霸先遣別將擊其糧運盡獲之齊兵殺馬驢以食至元武湖北會連日大雨坐立泥中霸先乃與沈泰等縱兵大戰安都自白下橫出其後齊兵大潰追斬嗣徽及軌白水浦方蕪湖縣名屬太平府梁山即天門山秣陵今江寧府東南謝朓嘗築室於此又名青墩即青山在太平府東南謝朓嘗築室於此又名謝公山兒塘或作倪兒塘地名在江寧府西幕府山在江寧府西北晉王導建幕府於此俗名石灰山白下城名在江寧府西北齊武帝置縣陳亡城廢元武湖在江寧府西北齊武帝置縣陳亡城廢元武衡陽縣名屬衡州府

扶敬帝總朝權終行篡奪

註見前通
遍篡句下

減珍羞用瓦器諂事胡神

武帝性儉素常膳不過數品私宴用瓦器蚌盤殺核充事而已尤好語事胡神捨身於大莊嚴寺

有二子陷長安內無儲嗣

武帝子昌項皆以江陵之陷沒於長安武帝殂內無適嗣

璜按綱目載霸先殂子昌項沒於長安今升菴云有二子陷長安與綱目合然考史昌其子而項其姪項

乃始興王第二子與臨川王觀兄弟此指為高祖子非是下云安成王高祖嗣皆誤觀文帝隕昌而封項

且欲覲秦伯之事甚明

臨川王兄之子即位稱尊

臨川王禧武帝兄始興王之長子急召藉於南皖王謙讓不敢當后以昌故未肯下令侯安都曰今四方

彈詞卷五

未定何暇及遠臨川王有大功於天下今日後應者斬按綱目殿曰皇后出壘是日即位是為陳文帝

陳文帝起艱難投籤警惕

帝起自艱難知民族苦性明察儉約每夜刺聞取外事分判者前後相續故傳更籤於殿中者必投籤於階石之上令鎗然有聲曰吾雖眠亦

令驚覺刺聞就閨中刺取外事

殺衡陽王大德不算仁君

初高祖以子昌項在長安屢請之於周文帝即位周先遣昌還昌致書於帝辭甚不遜帝召侯安都謂曰

太子將至須別求一藩歸老安都曰自古豈有被代天子臣請自迎之以昌為衡陽王昌濟江安都中流

以弱佐

陳廢帝性懦弱居臨海

初衡陽王昌死周復遣杜杲送項南歸文帝以項弱揚州刺史封安成王文帝病篤以太子伯宗太懦弱

謂項曰吾欲遵泰伯之事項篤泣固辭文帝殂伯宗立項以司徒錄尚書事與中書舍人劉師知等同受

遺詔輔政項入居尚書省師知見項為朝野所屬忌
之謀出項於外矯救謂項曰今四方無事王可遷東
府經州事託室毛喜語項曰此必非太后意出外
即受制於人項使喜入言於太后太后曰伯宗幼弱
政事委委二郎此非我意喜以輿項伯茂以項知付廷
尉賜死自是國政盡歸於項始輿項伯茂以項專政
不平肆惡言項遂以太后令誣伯宗與師知等通謀
廢為臨海王以安成王入纂又下令黜伯茂使盜殺
之史稱臨海王為廢帝

安成王高祖嗣合禮為君

註見前有二子句下

陳宣帝事文皇力辭儲副

項廢臨海王而自立是為陳宣帝初文帝疾篤項入
侍醫藥文帝謂項曰吾欲遵泰伯之事項因辭文帝
又曰四海事重宜須長君尚書孔
奐流涕曰安成王延為周且遂止

既持權欺寡弱信義何存

彈詞註卷五

捷錄曰欺孤弱寡安成曾無周且之忠持權欺弱事
註見前欺寧海句下安成郡名今江西吉安府

焚雲錦却青牛兩云恭儉

監豫州陳桃根表上織成文錦被各二百詔於
雲龍門外焚之又於所部得青牛獻之詔遣還

盟百官侵梁境舉動佻輕

帝立方明壇於婁湖以始興王叔陵為王官伯盟百
官自幸婁湖誓眾分遣大使班下四方以相警戒後
梁主蕭稱帝江陵陳吳明徹攻江陵引水灌之周總
管高琳與梁王操拒戰十旬明徹敗退公安後又遣
章昭達攻梁梁主告急於周周使將軍李遷哲救之
昭達兵不利引還尹氏曰前陳人攻梁不克今又遣
兵攻之周人救之陳師遂還然則陳無名與師避強
凌弱其罪見矣婁湖在江寧府城東南十五里湖
上有古婁湖苑

臨宴駕孝堂中群兒作亂

下梢頭收拾在後主長城

宣帝崩翌日小斂太子叔寶哀頓俯伏始與王叔陵以劍藥刀砍太子中項長沙王叔堅手搯叔陵奪其刃叔陵出雲龍門馳車還東府召左右斷青溪道赦東城囚以充戰士叔堅以太子命召左右衛將軍蕭摩訶臺軍邀斬之太子叔寶始即位後降隋為長城公是為陳後主長城今湖州府長興縣東府城名在江寧府青溪橋東南臨淮水晉會稽王道子領揚州其宅在州東故號東府東城即東府城也青溪在江寧府治吳鑿東渠名青溪溪有曲通潮溝以洩元武湖水

鐸鼓鬧曲聲沉金釵玉樹

戰塵生風刮倒結綺臨春

叔寶起結綺臨春望仙三閣皆以沉檀為之金玉珠翠為飾叔寶自居臨春張貴妃名麗華居結綺龔孔二貴嬪居望仙以宮人袁大捨等為女學士日與僕射江總尚書孔範等十餘人侍宴後庭謂之狎客使諸妃嬪及女學士與狎客共賦詩采其尤艷麗者被以新聲選官女千餘習而歌之其曲有玉樹後庭花

彈詞註卷五

室

金釵兩臂垂等名結綺臨春望仙三閣俱在江寧府上元縣治東北五里臺城內

鍾陵山大軍輪蕭郎束手

隋以總管賀若弼韓擒虎伐陳陳以蕭摩訶為都督若弼攻京口摩訶請逆戰陳主不許及弼至鍾山摩訶又曰弼軍深入壘壘未堅可以襲之又不許任忠曰兵法客貴速戰主貴持重今但分兵斷江路無令彼信得通臣徑襲六合揚聲往徐州斷彼歸路則諸軍不擊自去陳主亦不從明日敝然曰兵久不決令人腹煩可呼蕭郎一出擊之任忠苦請勿戰孔範奏請作一決當為官勒石燕然乃使魯廣達陳於白土岡任忠孔範摩訶軍以次而北若弼引兵趣範範以兵暫交即走摩訶被擒鍾山即蔣山在江寧府元縣東北十八里京口今鎮江府六合縣名屬江寧府徐州屬淮安府白土岡在江寧府東賀若弼名擒虎字子通摩訶字元曰

朱雀門擒虎入文武逃奔

任忠馳見叔寶言敗狀叔寶與金雨騰使募人出戰忠曰陛下當就上流進軍臣以死奉衛叔寶信之

出部分會韓擒虎自新林進軍忠遂帥數騎迎降於
石子岡引擒虎軍直入朱雀門陳人欲戰忠揮之曰
老夫尚降諸軍何事眾皆散走
石子岡在江寧府一十五里

談王氣誇天塹賦詩縱酒

初隋軍臨江叔寶謂侍臣曰王氣在此齊兵三來周
師再至無不摧敗彼何為者耶孔範曰長江天塹今
日北軍豈能飛渡耶叔寶以為然不為備縱酒賦詩
不輟後叔寶至隋隋主曰此敗豈不由酒與作詩之
功

自有計投晉井基業銷沉

隋兵入叔寶惶遽將避匿表憲正色曰大事如此去
欲安之不然正衣冠御正殿依梁武帝見侯景故事
叔寶曰吾自有計乃從宮人十餘出景陽殿將自投
於井後閤舍人夏侯公韻以身蔽井叔寶與爭久之
乃得入既而軍人窺井呼之不應欲下石又聞叫聲
以繩引之驚其太重及出乃與張貴妃孔貴嬪同束
而上旋執送長安陳祚遂亡 晉井井無水也景陽
殿在江寧上元縣治東北五里臺城內劉宋元嘉中

彈子石卷五

宋

所建井即景陽井一名胭脂井陳後主與張孔二妃
投其中以避隋兵後人名為辱井金陵覽古曰臺城
內千福院有小石地言是景陽井有古石井
欄其上有刻字惟戒哉二字可辨 晉音淵

天分割三百年乾坤瓜裂

凡東晉起至陳後主
止凡二百七十七年

半東西半南北兩下崢嶸

經戰馬骨如山生靈塗炭

動刀鎗血混水河洛羶羶

隋文帝併周陳寧南靜北

楊堅篡周靜帝之位是為隋文帝
九年擒陳後主而南北始混為一

總江山歸一統望想昇平

此一段說南朝四家興廢

據偏方些小地何足云云

南朝亭半邊天長江隔界

北朝君同日月再有評論

按北史魏居先匈奴種類

曹魏時沙漠汗入貢來賓

鮮卑索頭部世居北荒至可汗毛始強大後十餘世傳授詰汾南遷居匈奴故地詰汾死力微立曹魏景元二年遣子沙漠可汗入貢晉武帝咸寧元年又遣沙漠可汗入貢晉元康六年索頭分其國為三部使猶盧居定襄之盛樂故城晉愍帝建興三年以劉琨表請詔遣允盧為代王三傳至什翼犍

道武帝拓珪與於晉末

什翼犍世子寔早卒庶長子寔君殺諸弟並弑犍國中太亂寔子珪尚幼珪母賀氏以珪走依賀訥晉孝武太元十一年珪從魯祖統羅與諸部大人共請賀訥推珪為主大會於牛川即代王位改代稱魏乘燕

彈詞註卷五

三

慕容氏袁南取并州東舉幽冀自將克中山慕容麟走鄴魏尋入鄴

戊戌年即帝位建國平城

晉安帝隆安二年戊戌珪遷都平城始營宮室建宗廟立社稷十二月稱皇帝追尊遠祖毛以下二十七人皆為皇帝改元天興是為道武帝平城今大同府

修制度飾規模天資信美

珪初制冠服命野朝皆束髮加帽命鄧淵立官制協音律董謚制禮儀王德定律令鼂崇考天象倣古制定郊廟祭享禮樂分尚書三十六曹置五經博士增國子太學生命郡縣大索書籍送平城捷錄曰魏主初政規模制度莫然改觀矣

鍊金丹崇左道不算聰明

儀曹郎董謚獻服餌仙經珪置仙人博士立仙坊煮鍊百藥

雷震殿怨神靈疑心狠劣

雷震魏天安殿東序魏主惡之命以衝車攻東西序皆毀之初魏主服寒食散藥發躁怒無常又災異數見占者言有急變生肘腋魏主憂懣廢寢食追記生平成敗得失獨語不止每百官奏事至前記其舊惡輒殺之或顏色變動或鼻息不調或步趨失節或言辭差謬皆以為懷惡在心發形於外往往手擊殺之死者皆陳天安殿前羣臣多不敢求親近

殺人夫奪人婦敗壞人倫

奸生子夜踰墻親行手刃

初珪見賀太后之妹美請納之太后曰不可是已有夫不可奪也珪密令人殺其夫而納之生清河王紹紹兒狼無賴珪嘗倒懸井中垂死乃出之至是謹責賀夫人夫人使人密告紹曰何以救我紹夜與宦者垣入宮弑珪

犬羊心終不善天理難容

發明曰珪因賀氏之美殺其夫而納之紹之肆逆得非餘惡之所鍾乎善惡之報捷如影響不可誣也

彈詞註卷五

天

明元帝討兇人能行孝道

珪長子齊王嗣珪將立為太子魏故事凡立子先殺其母乃賜嗣母劉貴人死嗣性孝哀泣不自勝珪怒嗣還舍日夜號泣珪復召之左右曰上怒甚不如且避嗣乃逃匿於外惟王昭兒隨之至是聞變遣路兒入平城告將軍安同等爭出奉迎衛士執紹嚮食之乃即位是為明元帝

舉八公同聽政不棄先臣

詔長孫嵩與安同奚斤崔宏等八人坐止車門右共聽政時人謂之八公又以尚書燕鳳連事什翼健使入侍講論出議政事以善臣李先為先帝所親信令常宿於內以備顧問止車門門名

清郡縣討柔然諸邦助祭

明元以郡縣豪右多為民患優詔徵之民總土不樂內徙長吏逼遣之遂起為盜明元先赦其罪後遣千一彈討不從命者所向皆平明元討柔然柔然圍魏師於牛川魏主救之可汗社崙走死又擊可汗大檀大檀走魏兵追之遇大雪乃還有事於東廟助祭者數而國柔然北狄國魏神元末掠騎得一奴髮始

齊眉其主字之白木骨闔虜語皆禿也因以為氏至
其子車鹿會雄健始有部落自號柔然魏太武以其
無知伏類動蟲
改其號曰蠕蠕

控西秦奪宋境展到金埔

西秦王乞伏熾磐謂羣臣曰今宋雖奄有江南夏人
雄據關中皆不足與也獨魏主奕世英武賢能為用
吾將舉國事之乃遣使入魏貢黃金二萬觔并陳伐
夏方略初劉裕克長安魏遣使與裕和歲聘不絕及
聞裕死遣司空奚斤等攻宋滑臺拔之乘勝進逼虎
牢別遣將軍于栗磾取金埔又遣叔孫建將兵徇青
兗建南渡河軍礪礪宋兗州刺史徐炎南走於是泰
山高平金鄉等郡皆沒於魏建等遂入青州于栗磾
攻金埔河南太守棄城走圍虎牢置守城陷拔司
州刺史毛德祖悉定兗州後魏置東郡又改滑州
滑臺本春秋鄭之廩延邑後魏置東郡又改滑州
泰山在濟南府泰安州北高平今兗州府濟寧州金
鄉縣名屬兗州府金埔在河南府洛陽縣故城西北
角虎牢周關名在開封府汜水縣西二里漢為成臯
唐為武牢礪礪今濟南府
肥城縣司州今河南府

彈詞註卷五

无

太武帝儘英雄光南耀北

明元祖太子燾立是為太武帝燾驚勇臨城對陣親
犯矢石將士畏服咸盡死力史斷曰有魏之業光過
北南

滅涼燕平夏國整眾南侵

太武以妹武威公主妻北涼王沮渠牧犍牧犍通於
其嫂李氏李氏毒公主太武乘傳遣醫救之得愈徵
李氏牧犍不遣魏主自將討之牧犍遣其弟董來拒
戰望風奔潰太武至姑臧分軍圍之姑臧潰牧犍降
太武猶以妹婿待之後有告其與故臣民交通謀反
者乃賜死北燕王馮宏稱藩於魏魏徵其太子王仁
入朝宏不肯遣質魏使樂平王丕等伐燕中宏帥龍
密遣楊伊請迎於高麗高麗兵至大掠城中宏帥龍
城見戶東徙至遼東高麗王璉遣使勞之宏稱制讓
之高麗遂殺宏並其子孫十餘人北燕滅太武開夏
主赫連勃勃殂子昌立諸子相圖乃輕騎濟河襲統
萬昌方安羣臣魏師奄至入西宮焚其門分兵四掠
太武曰統萬未可得也遣奚斤取長安奚斤與夏平
原公定相持於長安太武復乘虛伐統萬分兵伏於

深谷以少衆至城下昌將步騎三萬出城太武收衆
偽遁昌兵鼓譟追之太武分左右以特之夏衆大潰
乘勢逐至北城昌奔上鄧奚斤入長安又進攻上鄧
戰擒之送昌於平城太武以妹妻之赫連定復稱帝
於平涼太武襲平涼定走鶻鴈原畏魏人之逼自治
城濟河欲擊北涼見吐谷渾水擊之執定送魏殺之
夏遂平南侵註見下姑城縣名故城在涼州衛東
高麗外國名統萬夏赫連勃勃所築城名今陝西寧
夏衛上鄧縣名故城在秦州吐谷渾本燕慕容暭之
兄其子以父字爲氏號其國曰吐谷渾平涼今府名
鶻鴈原今平涼府靈台縣

應童謠蒼龍年開江飲馬

宋文帝大舉侵魏取碣磔圍滑臺太武自將救之衆
號百萬鞞鼓之聲震動天地使尚書李孝伯餉宋走
塵下散七略盡太武至彭城使李駿索駝及騾駿使長史
夏王義恭貂裘餉宋武陵王駿索駝及騾駿使長史
張暢出見之孝伯曰魏主不圍此城自帥衆軍直造
瓜步飲江湖以療渴耳暢曰去留之事自適彼懷若
虜馬遂得飲江便爲無復天道太武引兵南下城邑
望風奔潰魏師不齋糧用惟以抄掠爲資及過淮民

彈詞註卷五

三

多竄匿鈔掠無所得聞盱眙有積粟欲留爲北歸之
資留數千人守之自帥衆南出進次瓜步聲言渡江
建康震懼太武以橐駝名馬餉宋主講和請婚宋亦
餉以珍饈具味魏師還攻盱眙宋將軍臧質與盱眙
太守沈璞拒守太武遣質書質復書曰爾自恃四足
屢犯邊境王元謨退於東中蓋散於西爾知其所足
然乎爾獨不聞童謠之言乎蓋卯年未至故以二軍
開飲江之路耳魏大攻三句不拔乃退走先是童謠
云虜馬飲江水佛狸死卯年故暢與質云然佛狸太
武小字次年壬辰二月太武被弑瓜步山名在揚
州府儀真縣西四十七里盱眙縣名佛音弼

殘六州丁壯盡與戲孩嬰

魏凡破宋南兗徐兗豫青冀六州殺掠不可勝
計丁壯盡加斬截嬰兒貫於槩上槃舞爲戲

興道法立天師尊崇孔聖

嵩山道士寇謙之修張道陵之術自言嘗遇老子降
授以辟谷輕身之術又遇老子元孫李譜文授以圖
籙真經使輔佐北方太平真君奉其書獻於太武朝
野多未之信光祿大夫崔浩獨師受其術且上書曰

聖王受命必有天應河圖洛書皆寄言於靈獸之文未若今日人神對接手筆燦然辭旨深妙豈可以世俗常慮而忽上靈之命哉太武欣然使揚子奉牲宰祭嵩嶽迎致謙之弟子以崇奉天眞顯揚新法起天師道場於平城謙之又言陛下以真君御世應登受符書以彰聖德太武自詣道壇受符籙改元太平真君元年後侵宋南下至魯郡以太牢祠孔子萬山在河南府登封縣北十里五嶽之中嶽也魯今曲阜縣道陵字輔漢子房八世孫

禁巫術毀佛教剪滅沙門

太武詔王公以下至庶人有私養沙門巫覡者皆遣詣官過二月十五不出沙門巫覡死主人門誅崔浩素不信佛法每言佛法虛誕宜悉除之有兵器太武蓋吳散太武討之言長安入佛寺見大有兵器太武蓋曰此非沙門所用必與蓋異通謀欲為亂耳命有司按誅闔寺沙門閱其財產大得釀具及窟室婦女浩因說太武悉誅境內沙門焚毀金像詔有司宣告征鎮諸有佛像胡書皆焚燒沙門無少長皆阮之以後有辜胡神及造泥人銅人者門誅太武免或收藏書宜詔書遠近得各為備沙門多亡匿獲免或收藏書

釋詞註卷五

像惟塔廟無復子遺盧水胡即北地胡也窟室穴地為室以匿婦女

笑崔浩比子房自招赤族

崔浩博極羣書武帝多問以異事累官司徒浩熾妍白皙如美婦人長於謀計自比張良而稽古過之太武使與高允共撰國史曰務崇實錄著作令史問湛鄒標勸浩刊所撰國史於石以彰直筆浩刻石立於郊壇東方百步書魏先世事皆詳實北人忿恚相與譖浩以為暴揚國惡太武怒使有司按浩命高允為浩誅浩及僚屬僮吏凡百二十八人皆奪五族允曰浩若直以觸屬僮吏不至死太武怒命執允太子拜請意乃解曰無斯人當更有數千口死矣詔誅浩奪其族按宋書柳元景傳云柳光世為折衝將軍河北太守其姊夫司徒崔浩拓拔壽南寇汝穎浩密有具圖光世要河北義士為浩應浩謀被誅浩北姓坐耳若修史直筆其職也何至赤族崔浩字伯淵發耳若修史直筆其職也何至赤族崔浩字伯淵武城人高允字伯泰渤海蓆人

欽高允秉忠直死不欺君

大武徒高允授太子經又浩破收大子召允謂曰吾自導卿至尊有問但依吾語大子入言允小心謹密且制曰浩請赦其死太武問曰國書浩所爲乎允對曰浩所領事多總裁而已至於著述臣多於浩大武怒曰允罪甚於浩太子懼曰天威嚴重允小臣迷亂失次耳太武問果如東宮所言乎允曰臣罪當滅族殿下哀臣欲苟其生耳太武頓謂太子曰直哉臨死不易辭信也爲臣不欺君貞也遂赦之

能斬斷殺心多先誅有悔

太武性殘忍果於殺戮往往人已誅而復悔之至是誅崔浩悔之會宣城公李孝伯病或傳已死太武曰宣城可惜既而曰朕失言崔司徒可惜李宣城可哀

信讒言惑宗愛天喪賢儲

太武以太子晃總百揆太子爲政精察而中常侍宗愛多不法晃惡之給事中仇尼道盛有寵於晃與愛不協愛遂構其罪太武怒斬道盛於都街東官官屬多坐死晃以憂卒

奴欺主再行凶蕭牆禍起

彈詞註卷五

五

太子晃死太武徐知其無罪追悼不已宗愛懼誅遂弑太武矯皇后令立南安王余愛爲宰相總宿衛專恣日甚余謀奪其權愛憤怒余以十月朔夜祭東廟愛使小黃門賈周等就弑之

隴西王誅賊子奉立皇孫

愛既弑余而秘之惟羽林郎中劉尼知之密告殿中尚書源賀賀乃與尚書陸麗定謀使尼麗迎皇孫瘡於苑中尼馳還東廟大呼宗愛弑南安王皇孫已登大位有詔宿衛之士皆還宮衆咸呼萬歲遂執宗愛賈周等誅之奉瘡即位是爲文成帝瘡太子晃之子也源賀封隴西王今鞏昌府隴西縣

文成帝善安民重興佛教

初太武經營四方國頗虛耗重以內難朝野楚楚文成在位與時消息靜以鎮之懷集中外民心復安太武晚年佛禁稍弛羣臣多請復之至是詔郡縣各聽建佛圖一區民欲爲沙門者聽出家於是羸之所毀率皆修復文成親爲沙門下髮

察誣言誅有罪保護忠臣

詔以源賀為蕪州刺史會人告賀謀反文成曰賀竭誠事國朕為卿等保之訊驗果誣乃誅告者因謂左右曰以賀忠誠猶不免誣謗不及賀者可無懼哉

獻文帝挺雄姿肅清朝野

文成帝殂長子宏立是為獻文帝宏聰睿夙成剛毅有斷即位時年十二馮太后稱制及親政後賞罰嚴明勤於為治史斷曰顯祖兼資雄斷故能更清漢野日啟南服

好浮屠悅黃老厭世遺塵

傳位與五歲兒自稱太上

獻文好浮屠黃老之學每引朝士及沙門共談元理雅薄富貴有遺世之心徵禪位於叔父京兆王子推子推兄任城王子雲曰陛下方隆太平豈得上違宗廟必欲遺棄塵務則皇太子宜承正統太尉源賀等皆附子雲議獻文怒變色中書令高允曰願陛下念周公抱成王之事獻文乃曰然則立太子羣臣輔之命賀奉璽綬傳位與太子宏宏甫五歲羣臣奏曰今皇帝幼沖萬機大政猶宜陛下總之謹上尊號曰太

彈詞註卷五

重

上皇帝獻文從之徙居北苑崇光宮國大事乃以聞又建野鹿浮園於苑中與禪僧居之

馮太后起邪謀酖死宮庭

馮太后有所幸李奕為太上皇帝所誅太后怒遂密以鴆毒弑之

孝文帝性寬慈精勤庶務

孝文帝名宏友愛諸弟始終無間羣臣犯罪者惟免死除名多所寬宥見道略無跛眇者停駕慰勞衣樂終身精勤庶務朝夕不倦如班祿均田作辟雍定樂章詔賑貸除逃亡緣坐法興文治變胡俗禁胡語求遺書法度量史稱其治行之美江左五朝皆莫及也

重文學滅圖讖儉素持身

孝文好讀書手不釋卷在輿據按不忘講道善屬文詔策皆自為之好賢樂善情如飢渴李冲李彪郭祚之徒皆以文學見重又禁圖讖詔曰圖讖之興出於三季既非經國之典徒為奸邪所憑今皆焚之留者以大辟論尤性甘儉素衣冠浣濯而服之罷尚方錦繡綾羅之工宮室非不得已不修鞍勒鐵木而已

遷大駕入洛陽改稱元氏

孝文以平城地寒風沙常起將遷都洛陽恐羣臣不止詔諸軍前發孝文戎服乘馬而出羣臣皆以死諫孝文曰今者興發不小苟不南伐當遷都於此南安王楨進曰陛下苟輟南伐之謀遷都洛陽此臣等願也時舊人雖不願內徙而憚於南伐無敢言者徵拓后為跋魏之先出於黃帝以土德王故為拓跋氏夫土者黃中之色萬物之元也宜改姓元氏

殺中官誅太子頗礙人倫

孝文連年在外馮后私於宦官高菩薩孝文還洛收菩薩等案問具伏乃廢處後宮及孝文自將禦齊珣於穀塘原遺詔曰後宮久乖陰德吾死後可賜自盡葬以後禮遂賜死太子恂體素肥苦河南地熱常思北歸孝文賜之衣冠恂常私著胡服中庶子高道悅數切諫恂惡之謀輕騎奔平城手刃道悅於禁中孝文大駭廢為庶人置於河南無身城狗恂廢頗自悔過中尉李彪表恂復與左右謀逆遂賜恂死立子恪

彈詞註卷五

語

宣武帝任宗親奸邪亂政

為太子馮昭儀欲母養恪恪母高氏暴卒故立昭儀馮氏為后史斷曰馮氏既出而高入不當立也孝文則復致官中使淫穢腥聞而夫婦亂太子恂既廢而恂過所當察也孝文則聽讒言直昇以死而父子傷孝文帝殂子恪立是為宣武帝宣武年十六不能親決庶務委政左右以外戚高肇及佞臣茹皓趙修等皆用事修尤親幸旬日間屢遷至光祿卿每遷官宣武親至其宅設宴王公皆從將軍茹皓有巧思寵於宣武弄權納賄司徒北海王詳驕奢好聲色貪冒無厭請託公行中外嗟怨亦附於修高肇本出高麗時望輕之宣武專委以事時高貴嬪有寵肇密弒后于氏及其子昌遂立高貴嬪為后肇益貴重用事多變更舊制削封侯黜勳人怨聲盈路宣武叔父彭城魏固諫無立高后肇怨之譖於宣武召宴禁中夜

武士齋毒酒殺

之魏政浸衰

璜按宣武寵任皆外戚嬖倖若宗親多被誅戮今謂任宗親疑誤

民生離反叛起國勢侵凌

魏既遷洛陽北邊荒遠因以饑饉百姓困敝有楊集起集義立武興氏王楊紹先為帝益州刺史王足叛奔梁巴西城人斬軍主李仲遷以城降梁秦州屠各王法智聚眾推呂苟兒為主涇川民陳瞻聚眾稱王豫州刺史陳伯之亦叛歸梁京兆王愉反信都鄧州司馬彭珍潛引梁兵趨義陽三關成主以城降懸弧軍主白早生殺刺史司馬悅亦叛降梁魏自是不復振矣

孝明帝幼冲年承傳大寶

宣武帝殂太子詡立是為孝明帝時年六歲

胡太后稱制命穢德彰聞

孝明帝母胡充華時為貴嬪元魏故事立子先殺其母魏自胡貴嬪始方不殺太子之母孝高明初立時司徒高肇督軍侵梁益州殺太子顯謀矯高后令以肇鋒尚書事顯與高猛同為侍中領軍于忠聞之執顯於禁中殺之肇還入哭伏人於省下殺之廢太后高氏為尼尋弒之尊胡貴嬪為太妃即尊太妃為太后臨朝稱制太后聰悟頗好讀書屬文政事皆手筆自決始聽政猶稱令後稱詔太后頗事壯飾數出遊清

彈詞註卷五

河王憚美丰儀遍而幸之鄭儼初為太后父國珍參軍私得幸於太后至是拜中書舍人晝夜禁中每休沐遣宦者隨之儼見其妻惟得言家事徐統先為清河王所厚亦得幸召為中書舍人兩人共相表裏勢傾內外號為徐鄭儼累遷中書令統為給事黃門侍郎仍領舍人軍國詔令莫不由之又李神軌亦得幸於太后亦領中書舍人統等惡侍中元順剛直出為太常卿順入辭時統侍側順指之曰魏國不亡此終不死統脅肩而出順叱之曰爾正供几案之用豈應汗辱門下戮我葬倫振衣而起太后默然

羽林軍焚近臣英雄竊歎

征西將軍張彝之子仲瑀上封事求銓削選格排抑武人不得預清品於是羽林虎賁作亂焚彝第仲重傷走免拽彝搗辱而死胡太后收掩羽林虎賁強者八人斬之餘不窮治還家領鎮函使高歡素曰宿衛相率焚大臣第朝廷懼而不問為政如

可知矣財物豈可常守耶

朔鎮名在大同府朔州城北

葛榮亂戒嚴討屢不成行

魏盜賊羣起所在皆叛柔元鎮民杜洛周反於上谷
後葛榮殺杜洛周併其眾北趣瀛州章武王融廣陽
王深引兵距之榮輕騎掩擊皆為所殺自稱天子進
陷殷州刺史崔楷死之復陷冀州孝明戒嚴北討不
果鄉又戒嚴西討皆不果府廣陽故城在順天府
良鄉縣東殷州故城在衛輝府城西瀛州今河間府

爾朱榮賀六渾入清君側

車騎將軍六州大都督爾朱榮兵強劉貴等皆歸之
貴屢薦高歡於榮榮未之奇也慮有悍馬命歡剪之
歡不加羈絆而剪竟不蹄蓄起謂榮曰德惡人亦猶
是矣榮奇其言屏左右訪以時事歡曰今天子闇弱
太后淫亂孽孽擅命以公雄武討鄭儼徐統之罪以
清帝側則霸業可成此賀六渾之意也榮大悅後聞
孝明被弑榮大怒乃抗表曰大行皇帝背棄萬方海
內咸稱酣毒致禍又立女皇上欺天下惑朝野聽
乃遣君於孩提之中實使姦豎專權墮亂綱統願
臣之徒付之司敗雪崩之由訪禁衛不知之狀以徐
寶祚榮以高歡為前鋒歡小字賀六渾

眾奸臣唆太后酖弑其君

彈詞註卷五
時箕臣用事政事縱弛盜賊蠡起封疆日感孝明浸
長太后自以所為不謹凡事務為壅蔽母子嫌隙日
深孝明亦惡儼統等逼於太后不能去密召爾朱榮
舉兵內向欲以脅太后儼統恐禍及已陰與太后謀
密酖之

臨洮劍纜三齡被沉水底

初潘嬪生女胡太后詎言皇子大赦改元至是僞立
為帝既而下詔曰潘嬪所生實皇女也臨洮世子劍
高陽之孫可立遂迎劍帥眾拒之別將鄭先護兵發
晉陽胡太后遣李神軌即衆拒之別將鄭先護兵發
河橋長樂王子攸潛自高渚渡河會榮於河陽榮立
為帝先護等開城納之徐統鄭儼皆亡走太后落髮
出家榮遣騎執太后及劍至河陰沉之河臨洮府
名屬陝西河橋在河南府孟津縣河陽今懷慶府孟
縣河陰縣名屬開封府長

縱胡騎殺朝士至二千人

子攸既立以爾朱榮為都督封太原王入洛陽魏將
軍費穆密說榮曰公士馬不出萬人若不大行誅罰

更樹親黨恐還北之日未度太行而內變作矣榮然
之至陶渚引百官集於行宮列胡騎圍之責以肅宗
暴崩朝臣不能匡弼之罪縱兵殺之自丞相
高陽王雍司空元欽等以下死者二千餘人

範黃金鑄不就帝王形像

初榮以銅為顯祖諸子孫各鑄像唯子攸像成故立
之至是榮令軍士言元氏既滅爾朱氏興皆稱萬歲
遂遷子攸於河橋置之幕下高歡勸榮稱帝榮乃自
鑄金為像凡四鑄不成自悔曰惟當以死謝朝廷夜
迎子攸還宮
叩頭請死

肅宗嬪新皇后重耳辰羸

榮女先為肅宗孝明帝之嬪榮欲莊帝納以為后莊
帝疑之黃門侍郎祖瑩曰晉文公在秦懷嬴入侍性
下獨何疑焉遂
立爾朱氏為后

孝莊帝志雄剛難禁劫制

孝莊帝名子攸爾朱榮所立孝莊剛斷有謀性勤政
事爾朱榮雖居外藩遙制朝政樹置親黨布列莊帝
左右伺察動靜大小必知爾朱后尤妬忌
莊帝外逼於榮內制於后常怏怏不樂

彈詞註卷五

三

定計策手刃了天柱將軍

時榮自為天柱大將軍榮下人皆陵侮莊帝左右無
所忌憚城陽王徽侍中李或勸莊帝誅榮莊帝欲殺
之以太宰元天穆在并州恐為後患故忍未發并召
天穆至莊帝乃召中書舍人溫子昇告以殺榮狀曰
吾寧為高貴鄉公死不為常道鄉公生若殺榮與天
穆而赦其黨亦應不動耳乃定計伏兵明光殿東甍
言皇子生遣徵馳告榮榮遂與天穆俱入莊帝先橫
刀膝下李侃睇等抽刀從東戶入榮即趨御座莊帝
手刃之並
殺天穆

爾朱兆合世隆連兵向關

榮既被誅榮從弟僕射爾朱世隆是夜帥榮部曲走
屯河陰進攻河橋魏散騎常侍李苗乘船夜下縱火
船焚橋橋斷世隆兵溺死甚眾苗亦戰赴水死世隆
收兵北遁汾州刺史爾朱兆聞榮死帥騎據晉陽
隆至長子兆來會之共推長廣王粲即位世隆兄
達亦起兵徐州同向洛陽 汾州府名屬山西長

今山東
登州府

被幽囚及其子死在空門

爾朱兆等輕兵涉河騎叩宮門宿衛乃覺皆散走莊
帝步出雲龍門外遇城陽王徽乘馬走屢呼之不顧
而去兆執莊帝鎖之撲殺皇子縱兵大掠遷莊帝於晉陽竟弑之三級佛寺

曩恭朗一年中浮漚起滅

初爾朱世隆等於庚戌十一月起兵推曩即位於長
子是為敬帝辛亥二月世隆廢曩為東海王而立廣
陵王恭是為節閔帝冀州刺史高歡起兵信都討爾
朱氏於辛亥十一月立渤海太守元朗是為中興王
三主起滅止共一年長子縣名屬臨安府渤海
海今河間府滄州信都今省入冀都屬真定府

高丞相扶孝帝自總朝廷

高歡立朗自為丞相都督中外諸軍事擊滅爾朱幽
節閔於崇訓佛寺旋弑於門下省復廢主朗而更立
平陽王修修孝莊孫廣平王之子是為
孝武帝歡自為大丞相天柱大將軍

彈詞註卷五

天

縱蛟龍得雲雨掌兵六鎮

初爾朱兆與高歡誓為兄弟時賊帥葛榮部眾流入
并肆者二十餘萬為契胡陵暴皆不聊生大小二十
六反兆患之問計於歡歡曰六鎮兵戩不可盡殺宜
選心腹使統之兆遂使歡統六鎮兵戩以兆醉恐醒
而悔之遂出宣言受委統州鎮兵可集汾東受號令
長史慕容紹宗諫兆曰高公雄才蓋世復使握大兵
於外譬如借蛟龍以雲雨將不可制矣時兆左右已
受歡金因稱紹宗與歡有隙兆怒因紹宗趣發歡
并令太原府肆即忻州六鎮初魏太武破柔然高
車列置降人於漠南分為六鎮曰沃野懷朔武川薄
骨律懷荒禦奚

滅爾朱調番漢善任知人

高歡屯壺關河北大使高乾迎歡入信都共起兵以
討爾朱兆歡遂詐為書稱兆將以六鎮人配契胡為
部曲眾皆憂懼又為并州符調兵討步落稽乃發萬
人將行故使孫騰尉景為請留五日如此者再歡親
送之郊雪涕執別眾號勸歡曰與爾俱為失鄉客不
意在上徵發今直西向已當死後軍期又當死配國

人又當死奈何眾曰惟有反耳遂推歡為主進擊爾
朱兆於鄴破之曰漢民是汝奴令汝温飽汝何為凌
軍士其語鮮卑曰鮮卑是汝作客為汝擊賊令汝安寧汝
之語華人之歡知人善任文武咸樂為用 壺關縣屬
何為疾之 步落稽匈奴別種晉時劉淵五部之苗裔
居河東 之西曲

納君后復夸婚健誇兩婦

歡納孝莊后爾朱氏為妃蠕蠕又娶以公主妃迎之
公主仰射翔鷗如斜射赤烏皆中歡喜曰我此二婦
並堪擊賊矣
蠕蠕即柔然

任敖曹倚彭樂勇冠三軍

初河北大使高乾起兵討爾朱氏以冀州迎歡乾弟
敖曹不從歡使子澄以為子孫禮見之敖曹乃與俱來
敖曹馬稍絕世歡任以為將所向無前時鮮卑共輕
華人惟憚敖曹歡號令將士嘗鮮卑語敖曹在列則
為華言嘗諸丞相府門者不納敖曹射之歡知而不
責界官司徒歡與魏宇文泰戰於邙山歡將彭樂以

彈詞註卷五

无

數十騎衝魏軍所向奔潰遂馳入魏營虜泰督將僚
佐四十八人諸軍乘勝大破之歡使樂追泰獲泰金
帶一囊以歸言於歡曰黑獺漏刃破膽矣歡怒其失
泰樂曰乞五千騎復為王取之 黑獺宇文泰字

剛兩載起疑心逐君背叛

歡立孝武甫二年侍中封隆之言於歡曰斛斯椿等
必構禍亂孫騰泄其言椿白孝武隆之及騰皆逃就
歡孝武遂欲伐晉陽下詔戒嚴云欲伐梁歡覺其意
表曰臣為嬖佞所間一旦受疑陛下若垂信赤心願
賜酌量亟令廢出孝武下制書數歡罪惡歡遂勒兵
南出以誅斛斯椿為名以高敖曹為前鋒孝武亦親
勒兵屯河橋以椿為前驅使椿與頴川王斌之鎮虎
牢賈顯智鎮滑臺顯智遂以軍降歡歡引軍渡河斌
之與椿爭權遂給孝武曰歡兵已至孝武即召椿還
承制決事 頴川魏改為鄭州
今頴州清河縣名屬廣平府

大將軍宇文泰挾入咸秦

宇文泰初為夏州刺史陳悅等殺秦州刺史賀拔岳
軍無主趙貴曰宇文夏州英畧冠世直奉為王乃迎

泰統其軍至是歡反將軍王思政言於孝武曰宇文泰乃心王室今往就之還復舊京何慮弗克孝武遣侍郎柳慶見泰於高平泰請奉迎輿駕孝武即以泰為關西大行臺令遣騎奉迎又歡兵渡河孝武西奔泰使趙貴梁禦帥甲騎奉迎及備儀衛公迎謁於東陽驛孝武謂泰曰朕不德致寇方以社稷委公其勉之遂入長安以泰為大將軍雍州刺史兼尚書令軍國之政咸取決焉 夏州今陝西寧夏衛秦州屬鞏昌府魏雍州今西安府

因內亂酒盃中遭逢鴆毒

孝武閨中無禮從妹不嫁者三人平原公主明月南陽王寶炬之同產也從入關宇文泰使人殺之孝武不悅由是復與泰有隙飲酒遇酖而死

孝文孫元寶炬繼武稱尊

宇文泰奉南陽王寶炬即位寶炬孝文之孫京兆王愉之子是為文帝 京兆今西安府

歡拜表入洛陽手扶善見

彈詞註卷五

早

歡自發晉陽凡四十啓孝武皆不報及孝武奔長安歡自追迎之不及而還至洛陽又遣僧道榮奉表於孝武曰陛下若遠賜一制許還京洛臣當帥勤文武式清宮禁若返正無期則社稷不可無主臣率負陛下不負社稷孝武亦不答歡乃集百官議所立時清河王亶出入已稱警蹕歡醜之謂亶曰欲立王不若立王之子遂立其世子善見為帝是為孝靜帝 魏都洛陽謂之京師故曰京洛

駐鄴都稱東魏別立乾坤

歡以洛陽西逼西魏南近梁境乃奉靜帝遷都於鄴是為東魏

從此後兩交兵互相勝敗

東魏高歡西魏宇文泰互相攻伐勝負不常

韋孝寬守金墉渤海銷魂

東魏以高歡為大丞相渤海王歡悉眾伐西魏秦以韋孝寬為并州刺史守王壁歡至圍而攻之晝夜不息孝寬隨機拒之城外盡攻擊之術而城中守禦有餘歡使祖珽說之使降孝寬曰攻者自勞守者常逸

孝寬關西男子必不為降將軍也歡苦攻五十日士卒死者七八萬人歡智力俱困而發病乃解圍去軍中詭言孝寬以定功弩射殺丞相歡聞之勉坐見諸貴使斛律全作敕勒歌自和之哀感動人王璧城名在平陽府稷山縣西南孝寬名叔裕以字行杜陵人

璜按魏大統四年戊午王思政以玉璧險要請築城以鎮之後大統十二年丙寅韋孝寬守玉璧歡圍而攻之茲云

金墉疑誤

高澄死弟高洋弒君篡國

高歡卒世子澄繼之澄獲衡州刺史蘭欽子京以為膳奴京與其黨謀作亂會澄與陳元康等屏左右謀受禪京進食寘刀盤下殺之弟太原公洋入討斬之靜帝聞之竊謂左右曰大將軍死威權當復歸帝室矣至是洋以重兵皆在并州欲早如晉陽入謁靜帝從甲士八千人登階者二百人皆攘袂扣刃若對嚴敵令主者傳奏曰臣有家事須詣晉陽再拜而出靜帝失色目送之曰此人又似不相容朕不知死在何日洋自為丞相封齊王至鄴作圖邸備法物使侍中張亮逼靜帝禪位靜帝欽容曰推拒已久謹當遜避

彈詞註卷五

西文皇捐社稷嗣子欽承

乃下御坐步就東廊以故犢車一乘送出雲龍門百僚拜辭遂遷於北城廢為中山王洋每出入常以中山王自隨王妃太原公主恒為之嘗飲食護視之洋飲公主酒使人鳩王殺之并其三子葬於鄴西後忽掘而投之漳水

宇文泰弒其君復其本姓

西魏文帝寶炬殂太子欽立是為廢帝

欽謀誅泰事泄泰廢之置之雍州立其弟齊王廓復姓拓跋氏是為恭帝泰尋殺欽

齊王廓立三載貶宋稱公

宇文泰卒子覺繼之自為周公尋廢恭帝廓為宋公而篡位廓在位三年後為宇文護所弒

拓跋氏析為二一十六主

魏自高歡立善見而魏東宇文泰立寶炬而魏西合計元魏東西共十六主

宋齊梁同歲月百六十春

魏自拓跋珪起晉安帝戊戌至恭帝廓終梁宣帝丙子凡歷南朝宋齊梁共一百五十九年

北齊者自高洋奪之東魏

東魏齊王高洋使侍中張亮等見靜帝逼以禪位靜帝使彭城王韶奉璽綬於齊遂即位國號齊改元天保元年

號文宣居晉冀築起長城

洋立是為文宣帝都於晉陽初自黃墟嶺起長城北至社平成四百餘里置三十六戍後又築長城自幽州夏口西至恒州九百餘里又自西河總泰成築長城東至於海前後所築東西三千餘里又長城內築重城貢冀州之域春秋為晉秦曰晉陽

初時節算英明神謀比父

初洋為太原公內明決而外如不慧晉陽舊臣宿將素輕洋及至大會文武神彩英暢眾皆大驚父歡先

謂長史薛琠曰此兒識慮過吾比父又註見下高歡不死

拒黑獺破柔然行陣躬親

洋稱帝魏大帥宇文泰伐之自宏農為橋濟河至建州洋自將出頓東城泰聞其軍容嚴盛歎曰高歡不死矣引還柔然寇齊肆州洋自討之至恒州柔然散走洋以千餘騎為殿宿黃瓜堆柔然別部數萬騎奮至洋安卧平明乃起神色自若指畫形勢縱兵奮擊柔然披靡因潰圍出柔然走追擊敗之令都督高阿那肱帥騎塞其走路阿那肱立時軍機策獨決懷抱每臨行陳親當矢石所向有功黑獺宇文泰字東城未詳惟南陽府城北舊有濛縣城俗呼東城肆州今忻州恒州今真定府黃瓜堆地名

貪酒色漸昏狂酣歌醉舞

齊王數年後漸以功業自矜嗜酒淫佚每醉輒手殺人以為戲樂高氏婦女不問親疎往往亂之或以賜左右不從者手刃之納娼婦薛氏有寵既而無故斬薛氏藏首於懷出東山宴飲勸酬始合忽出其首投

於梓上一座大驚復收取流涕載尸以出披髮步哭而隨之嘗欲殺趙道德道德曰臣於地下啟先帝諭此兒酣醜顛狂不可教訓洋默然而止

露身形塗粉黛剪刈宗親

洋肆行狂暴袒露形體面塗粉黛街坐巷宿有衛士言亡高者黑衣洋問何物最黑左右曰無過於漆洋以上黨王渙於兄弟第七執之永安王浚入朝從幸東山洋裸程為樂浚進諫及還川又上書切諫洋馳驛收之與渙皆盛以鐵籠實於地牢飲食泯穢其在一所洋臨穴謳歌令浚等和之浚等悲怖聲顛洋愴然泣下將赦之長廣王湛曰猛虎安可出穴洋使左右刺之浚渙號哭呼天乃燒殺之遠近痛憤上黨安府

逼親嫂亂人倫刀環築姪

齊主逼通昭信李后曰若不從當殺爾子后懼從之既而有娠其子太原王紹德有怨言后慙由是生女不舉齊主詔曰爾殺我女我何得不殺爾兒當即對后以刀環築殺紹德

彈詞卷五

望

臨死來憐兒孺也自傷心

瑛按昭信李后即高洋之后刀環殺姪係武帝成帝高湛事非高洋事又按洋兄澄后元氏魏靜帝之妹洋昏狂曰兄昔好我婦我今須報乃淫於后升庵或因逼嫂而誤入第姪於此李后名祖娥

齊廢帝一年來常山下手

洋嗜酒成疾屢云太子般性懦終當傳位於常山王演魏收謂楊愔曰太子國之根本此言非所以為戲愔白收言洋歎息而止及病篤謂李后曰人生必有死何足惜但憐正道尚幼人將奪之耳又謂演曰奪則任汝慎勿殺也遂殞

孝昭皇馬跌死報應分明

洋殂子般立是為廢帝在位一年常山王演廢為濟南王而自立後濟南王在鄴望氣者言鄴中有天子氣晉陽殺之濟南府名屬山東

太后從之下令廢般為濟南王以常山王入纂大統

成之曰勿令濟南有他也至是演出敗馬驚墜地絕
助太后視疾問濟南所在者三演不對太后怒曰殺
之耶不用吾言死
其宜矣遂去不顧

武成帝繼其兄殺其猶子

武成帝名湛先為長廣王初孝昭欲立湛為太弟既
而立子百年為太子湛心不平至是演徵湛立之又
與書曰百年無罪汝可以樂處置之勿學前人演殂
湛至晉陽即位封百年為樂陵王河清三年六月白
左右捶殺之棄諸池池水盡赤

斛律妃握寶玦哀慘難聞

初百年聞召自知不免割帶玦留與妃斛律氏及百
年被殺妃把玦哀號不食月餘亦死玦猶在手奉不
可開其父僕射白
律光自擊之乃開

和士開通胡后反誅龍子

和士開以善握禦彈琵琶為武成所親狎出入卧內
遂得通於胡后後武成殂後主深委任之以為尚書

彈詞註卷五

罌

令威權日盛忌後主弟琅邪王儼欲出之於外治書
侍御史王子宜說嚴曰殿下被疏正由士開間搆儼
令于宜彈其罪侍中馮子琮攜他文書奏之後主可
之儼誑領軍庫狄伏連執士開送臺儼斬之後主急
召斛律光光聞之大笑曰龍子乃環築其辯頭良久
儼請於後主求寬儼罪後主曰琅邪聰明雄勇自專殺
乃釋之後陸令營說後主曰琅邪聰明雄勇自專殺
以來常懷恐懼宜早為之計後主乃召儼使劉桃枝
拉殺之時年十四遺腹四男俱幽死

四年餘稱太上傳與東宮

武成在位四年祖珽說和士開曰文襄文宣孝昭之
子俱不得立宜說主上令皇太子早踐大位若事成
中宮少主必皆德君請君微說主上珽布新之上表論
之士開許諾會彗星見太史奏云除舊布新之象珽
上言陛下雖為天子未為極貴宜傳位東宮以上應
天道武成遂傳位太子緯羣臣上尊號為太土皇帝

後主緯自稱呼無愁天子

後主名緯好自彈琵琶為無愁
之曲民間稱之為無愁天子

百升飛高山倒敗壞家門

斛律光為左丞相封咸陽王數以祖珽勢傾朝野光惡之白盲人入國必破矣由是與珽等有隙光弟羨為幽州刺史突厥畏之周韋孝寬密為諱言曰百升飛上天明月照長安又謠曰高山不推老公背受大斧饒舌老母不得語使其妻兄鄭道蓋奏之珽等因解之曰百升者斛也盲老公謂珽饒舌母似謂陸氏女為皇后男尚公主謚言甚可畏也遂勸威行遣使賜光駁馬光必入謝因而執之後主如其言光入至京風堂劉桃枝自後撲之不仆顧曰桃枝常為如此事我不負國家桃枝與三力士拉殺之血流於地剗之恩乘驛捕羨至幽州門者反并殺甲二有遣賀拔伏門羨曰敕使豈可拒也出見之伏恩執而殺之及其五子並廢斛律后周主聞之為赦其境而殺之及豐樂光弟羨字突厥北狄種名盲老公祖珽嘗因罪置地牢夜以蕪菁子為燭眼為所熏以致喪明

陸令萱穆提婆一班邪佞

彈詞註卷五

巽

官婢陸令萱坐其夫謀叛配掖庭子提婆亦沒為奴後主在襁褓令萱養之巧黠善取媚有寵和士開高阿那肱皆為之養子後主以令萱為女侍中其子提婆自愧姓穆斛律后廢令萱欲立穆昭儀為后胡太后勸厚禮以求令萱結為姊妹令萱亦以胡昭儀寵幸後主曰如此人一旦忽以后服被穆昭儀坐之帳中謂儀為右皇后令萱一旦於太后前作色曰何物親姪作如此語太后問故令萱曰不可道后問之乃曰語大家云太后行多非法太后大怒后出立別其髮送還家自是令萱提婆勢傾內外賣官鬻獄賜與傾府藏自太后以下皆受其指塵生殺與奪惟意所欲以提婆錄尚書事與高阿那肱韓長鸞共處衡軸號曰三貴蠹國害民日月滋甚曰本是彼家物任其取去假使國家盡失黃河以南猶可作一龜茲國更可憐人生如寄惟當行樂何用愁為後主大喜復耐歌狂舞不輟龜茲國西域小國在大宛國西天竺國東穆后名舍利小字黃花

馮小憐號續命攻戰偕行

馮小憐號續命攻戰偕行

馮淑妃名小憐穆后從婢也穆后寵衰以五月五日進之號曰續命淑妃慧黠後主感之坐同席出並馬願得生死一處周師攻平陽後主獵於天池告急者三至高阿那肱曰大家正為樂邊鄙小事何急奏聞至暮使至則平陽已陷矣後主將還淑妃請更殺一陷十餘步將士乘勢欲入後主勸且止召淑妃共觀之淑妃糝點不獲時為左皇后令使馳取禕裙後主以淑妃為有功將立為左皇后令使馳取禕裙等皇后服御仍與之並騎觀戰東偏少却淑妃怖曰軍敗矣穆提婆曰大家去玩兒去遂與奔還至洪洞成淑妃方以粉鏡自玩後唱賦至於與奔還至洪洞太原府靜樂縣東北燕京山上有天池方一里餘洪洞成疑即平陽洪洞縣

少不得被周朝生擒父子

周主入平陽後主夜斬五龍門而出欲奔突厥從官多散乃回向鄴穆提婆西奔周軍斛律孝卿請親勞將士且曰宜慷慨流涕以感激人心後主既出不復記所受言遂大笑左右亦笑將士皆怒無復戰心後

彈詞註卷五

主禪位於太子恒年纔八歲後主自為太上皇帝周師至鄴圍之齊人出戰大敗後主從百餘騎東走周遣將軍尉遲勤追之後主使高阿那肱守關自與穆后馮妃幼主等十人奔青州欲入陳阿那肱密召周師約生致後主屢敗云周師尚遠已令燒斷橋路後主由是淹留自寬周師聞阿那肱降周師奄至青州後主囊金繫鞍後尉遲勤追及后妃幼主盡擒之並胡太后送鄴

至長安差按舞剪滅無存

周執後主送長安封後主緯為溫公周王與齊君臣飲酒令緯起舞高延宗悲不自持後周人誣緯與穆提婆等反殺緯並其宗族皆賜死 溫縣名屬懷慶府

後周朝宇文覺稱尊孝閔

西魏恭帝以岐陽之地封宇文泰子覺為周公覺篡位建國號為周是為孝閔帝

仗尊翁為冢宰西魏權臣

覺父泰先為賀拔岳司馬使鎮夏州岳死泰統其軍遂定秦隴值魏孝武逼於高歡由洛陽來奔泰迎入

長安是為西魏泰以漢魏官繁依周禮定六官為大
師大冢宰太傅大司徒大保大宗伯及大司馬大司
寇大司空自餘百官皆倣周禮泰自為太師大家宰
封安定公內外大權一稟於泰 安定今平涼府涇
州

丁丑年稱天王長安即位

一年餘遭叔父奪與其兄

初泰尚魏孝武妹馮翊公主生覺姚夫人生毓毓於
諸子最長娶大司馬獨孤信女泰將立嗣謂公卿曰
孤欲立嫡恐大司馬有疑僕射李遠曰立子以嫡不
以長何所疑遂立覺為世子泰病召中山公護謂曰
吾子皆幼天下事屬之於汝宜努力以成吾志恭帝
三年丙子十月泰卒覺嗣位年十五封周公恭帝四
年丁丑正月護以覺幼弱欲年十五封周公恭帝四
魏主詔奉冊璽禪位於弱魏主出居大司馬府封
為宋公以周公即位稱天王護為大司馬自為大家
宰覺立一年惡護之逼與司會李植等謀誅護植引
宮伯張光洛同謀光洛以告護護遣柱國賀蘭祥逼
覺遜位幽於善第廢為畧陽公尋弒之立覺庶兄岐
彈詞詳卷五

川刺史寧都公
即天王位

一瑛按中山公護輔政眾莫服謀於大司寇于謹謹對
眾定策云安定公一旦違世嗣子雖幼中山公親其
兄子兼受顧託謹起拜眾亦拜是護乃泰兄
子於覺為兄弟今作叔似誤 于謹字思敬

明皇毓立四年仍逢毒弒

武皇豈能果斷內難奪平

毓立是為明帝立四年護憚毓明敏有識量使膳部
中大夫李安賓毒於糖餹而進之將殺公豈朕之介弟
百餘言且曰朕于年幼不堪當國魯公豈朕之介弟
能宏我周家必此子也遂殂豈立是為武帝時護第
兵衛咸於宮闕豈深自悔匿詔五府總於天官事無
巨細先斷後聞豈無所關預人不測其淺深每於禁
中見護常行家人禮至是與同母弟衛公直等定謀
引護入謁太后謂曰太后好飲屢誅不聽豈以下壞
酒誥授之曰願兄以此入諫護讀未畢豈以下壞
自後擊之護踏於地直出斬之護既誅豈始親政明
察果斷用法嚴峻雖骨肉無所
寬借故將士畏威樂為之死

大作爲任賢恤民愛士

尹氏曰周高祖誅勳大赦除積年根據之惡於俄頃之間蓋其韜藏晦匿於十有餘年之久有所不聽動則必成此其神機密運果有大道入者親政後聽覽不倦勞謙接下養老太學尊禮有謹北面受言臧齊之日齊博士陸安生遠令掃門曰周帝重道尊儒必將見我俄爾一皇幸其家執手引與同坐給安車駟馬以自隨巽宮室壯麗雕斲之物並賜貧民布寬大之詔多所蠲免安生字植之

待將卒親執手剪滅齊隣

武帝每行兵步涉山谷待將士有恩親履行陣執手慰勞將卒咸樂爲之死自將伐齊擒齊後主父子出齊宮中珍寶及宮中女二人于班明將士減齊註見前生擒父子向下

宣帝贊逞淫刑盤遊浪蕩

宣帝贊武皇太子嘗令討吐谷渾軍中多失德大將軍王執舉奏武皇杖之至是武皇伐突厥以疾留雲陽宮驛名宮正字文孝伯以後事付之贊即位即逞奢欲曾無戚容捫其杖痕大罵曰死晚矣閱視宮人

彈詞註卷五

逼而淫之自以奢淫多過失惡人規諫欲爲威虐暉眼羣下乃更爲刑經聖制用法益深密令左右伺察羣臣小有過失輒行誅遣先是王執因內宴持武皇鬚曰可愛好老公恨後嗣弱耳至是問鄭譯曰我脚杖痕誰所爲也譯言持鬚事遂殺執息叔父齊王憲屬尊望重使孝伯圖憲孝伯力諫宣帝使于智誣憲有異謀殺之並殺孝伯居喪即恣聲戲百樂日夜不休常被捶撻每捶人皆以百二十爲度謂之天杖後又加至二百四十爲

倚中官立五后暗啞而崩

贊驕侈沉湎書奏俱付宦者又以鄭譯爲內史中大夫委以朝政旋傳位於太子闡以所居稱天台自此上帝稱天元皇帝立妃朱氏爲天元皇后後改朱氏爲天元皇后立妃元氏爲天右皇后又陳氏爲天左皇后與天元皇太后楊氏凡四后後又以尉遲妃爲天左太皇后其五后恣請宴樂淫戲無節及病瘖不能言遂崩朱氏名滿月元氏名樂尚陳氏名麗華尉遲妃名熾繁月儀楊氏堅女名麗華尉遲妃名熾繁

靜帝聞受親傳鸞控二載

靜帝聞受親傳鸞控二載

一家兒蓋粉在外祖隋文

天元唐不能言小御正劉昉見關幼冲以楊后父堅
有重名與鄭譯謀引堅輔政堅乃稱受詔居中侍疾
楊后雖不預謀然恐權在他族聞之亦喜天元崩秘
不發喪昉譯矯詔以堅總知中外兵馬事關入居天
台是為靜帝以堅假黃鉞左大丞相百官總已以聽
堅秉權二年自為相國進爵隋王加九錫旋篡位關
居別宮堅稱帝為隋文帝廢關為介國公廢女周太
后楊氏為樂平公主尋弒關盡滅宇文氏之族楊
堅本封於隨後有天下以周齊從左從肉裂肉也隨
為隋用修曰隋徒卧切音情齊從左從肉裂肉也隨
從走安步也其音既去隨而就情其義則捨安步而
就裂肉豈昨凶終之兆乎介後周州名今山西汾州
樂平縣名
屬太原府

齊五主僅盤桓三十八載

齊自高洋傳至後主
凡五主共二十八年

宇文周同天日少年春

彈詞註卷五

周自宇文覺傳至之帝
凡五主共二十六年

周取齊四年後楊堅篡國

周武帝建德丁酉正月滅齊至靜帝大象辛
丑二月楊堅篡位凡四年周後齊稱帝五年

論興亡同一轍枉鬧乾坤

到頭一枕南柯夢 苦殺無辜四海民

颯颯西風渭水蕭蕭落葉長英雄回首北邙山虎鬪

龍爭過眼閒看壩橋楊柳淒涼露冷風寒斷蟬聲裏

凭闌干不覺斜陽又晚 西江月

明朝又有新條在 惱亂春風卒未休

廿一史彈詞註卷之六

成都楊

慎用修編著

漢陽張三異禹木增定

男仲璜別麓註 曾孫任佐較刊

第六段 說五胡 點絳唇

暮鼓晨鐘春花秋月何時了七顛八倒往事知多少

昨日今朝鏡裏容顏老千年調一場談笑幾箇人知道

詩曰

百歲光陰似水流千年計策爲誰憂兒孫自有兒孫
福莫與兒孫作馬牛

馬力牛筋爲子孫龍爭虎鬪鬧乾坤戰塵摩撚英雄

彈詞註卷六

老殺氣薰蒸日月昏千載幾人傳後代百年誰主調
征魂孔明若曉其中意高臥南陽緊閉門

翰苑才人詩少詠草堂詞客話重論昨宵說到題詩

處今日推敲出妙音春夏秋冬排景致風花雪雨闌

鮮新秦城哭毀悲姜女胡馬嘶寒痛李陵話到感傷

堪墮淚唱來哀怨每攢心指陳是否依前古剖判賢

愚警後人夜雨滴醒懷國夢春風吹起馬蹄塵風敲

玉馬閒中聽雨滴金階靜裏聞靜裡乾坤千古意閒

中日月四時春高人要識閒中景聽撥水絃譜好吟

話說過南北史上是大節目中間又有五胡擾亂所謂

五胡者鮮卑匈奴氏羌羯五等不同自西晉武帝己亥

咸寧五年以匈奴劉淵為左部帥時有巴西氏人李特入據成都至晉惠帝甲子永興元年劉淵稱漢帝李特號成王自後五胡相繼而起擾亂世界至南宋文帝己卯元嘉十六年北魏太武帝皇帝拓拔燾滅了北凉沮渠牧犍才方盡絕前後一百七十八年又過一百四十二年隋文帝辛丑開皇元年併周滅陳北朝盡絕前後胡羌擾亂天下共三百二十三年正所謂氏羯縱橫鯨吞北海南朝冗冗虎據金陵四海生靈不勝塗炭五胡之國號有五凉四燕三秦二趙一夏一蜀共一十六國蜀漢居先二趙繼之凉秦燕夏迭興迭滅共計稱尊建號者六十七人今將大略敘之

彈詞註卷一

蜀國李特巴西人西晉惠帝時據成都相傳六主曰李雄建興李班晏李期王衡李壽恒李勢漢李勢太和共四十六年東晉穆帝遣桓温滅之

前趙劉淵匈奴人西晉武帝時據平陽元熙河瑞永傳劉和劉聰光興劉粲嘉平劉曜麟嘉初曜改稱趙凡五主共二十六年石勒滅之按劉淵稱漢帝今以淵為前趙別於後趙石勒則劉曜應云改漢稱趙

後趙石勒羯人劉聰之臣晉元帝時滅劉曜據襄國太和

建武六年其臣冉閔滅之

前凉張軌安定胡人晉懷帝時為凉州牧傳張實用建

號張茂永元張駿太元張重華永樂張元靚太始張天錫凡七主
共七十六年苻堅滅之

前秦苻洪略陽氏人晉穆帝時子苻健據長安稱帝始黃

傳苻生壽光苻堅永興露苻丕甘建元苻登大安初凡六主共四

十四年其臣姚萇之子姚興滅之

後秦姚萇赤亭羌人苻堅之臣弒主據長安白雀建初傳姚

興皇初姚泓永和凡三主三十四年晉安帝時劉裕滅之

西秦乞伏國仁鮮卑人苻健之臣據金城建義傳至弟乾

歸太初更始又傳熾磐永康建宏暮末永宏凡四主前後共四十六

年赫連勃勃滅之

夏國赫連勃勃匈奴人晉安帝時在姚興手下據朔方

彈詞註卷六

統萬背秦而稱天王龍升昌武真興傳赫連昌承光赫連定

凡三主二十二年北魏太武帝滅之

後涼呂光略陽氏人苻堅之臣據姑臧龍飛傳呂紹呂纂

咸寧咸寧呂隆神鼎凡四主一十八年姚興滅之

南涼禿髮烏孤河西鮮卑人呂光之臣據廣武太初傳其

弟利鹿孤建和儁檀宏昌嘉平凡三主十九年乞伏熾磐滅之

前燕慕容廆昌黎鮮卑人晉初為都督其子慕容皝據

鄴都傳慕容儁元璽光壽慕容暉建熙凡四主八十五年苻堅

滅之

後燕慕容垂皝之子也為苻堅之臣叛秦而據中山建興

傳之慕容寶永康慕容盛建平長樂慕容熙光始凡四主二十五

年其臣馮跋滅之

北燕馮跋信都胡人後燕之臣叛據昌黎平太其弟馮宏

與繼之凡二主二十八年魏太武滅之

西燕慕容冲慕容垂之弟據平陽自立始傳之慕容忠

慕容永中興三主共十年慕容垂兼之

南燕慕容德垂之弟復據廣固自立建平傳之慕容超上

凡二主十一年晉劉裕滅之

西涼李暠燉煌胡人後涼呂氏之臣建初傳其子歆嘉興凡

二主二十五年沮渠氏滅之

北涼沮渠蒙遜盧水胡人事呂光又臣段氏又臣晉臣

魏後據張掖郡天璽永安承元義和傳之子牧犍永和凡二

彈詞註卷六

四

主三十九年魏太武滅之

凡此共十六國謂之五胡雲擾中間賢愚不等略舉大

端

南北史亂紛紛三百餘載

南北史李延壽撰自晉惠帝永興甲子劉淵稱帝至隋文帝開皇辛丑南北始一共三百二十三年

五胡人十六國據土稱尊

見本段前說大畧

先創立成都主巴西李特

李特巴西宕渠人晉太康中關西亂百姓流移就穀特隨流入寄食入蜀晉惠帝永寧辛酉朝廷召還流民入蜀者使將軍馮該督之時流民布在梁益為人備力聞州郡逼迫人人愁怨且年穀未登無以為行資特數為求停至冬流民皆感而特之多相率歸特乃結大營於綿竹以處之旬日間至二萬人於是

流民推特行鎮北大將軍承制封拜特入據郡進攻成都改元建初益州刺史羅尚擊斬特弟李流代領其衆自稱益州牧流病卒衆推李雄為益州牧擊走羅尚進據成都自稱成都王巴西今保寧府宕渠縣名屬順慶府

子名雄當晉世國號為成

李雄特第二子晉惠帝永興元年稱成都王國號大成後二年稱帝璜按綱鑑有謂李流李雄皆特二子惟綱目集覽載李蕩與雄為特二子

用處士范長生扶持社稷

初李流屯郫城蜀民皆保險結塢野無煙火流衆饑乏惟涪陵千餘家依處士范長生於青城山徐舉說長生以糧給李流軍長生從之及雄稱帝長生詣成都雄門迎執板拜為丞相尊之曰范賢以為天地大師長生博學多藝能年近百歲蜀人奉之如神青城山在成都府灌縣西南五十里岷山連峯接岫千里不絕青山乃第一峯也前號青城峯後名大面山道書以此山為第五洞天郫城縣名屬成都府

彈詞註卷六

五

立姪兒為太子不肯其兄

雄妾子十餘人皆不立為嗣立其兄特之子班為太子羣臣固諫雄曰吾兄先帝之嫡負奇才大功事垂克而早世今班仁孝好學

必能負荷先烈故立之璜按綱目載雄為特子不應又云立其兄特之子班據雄云吾兄先帝之嫡則班應為蕩之子特字疑誤

三十載命臨終傳之以位

雄在位三十一年病篤召建寧王壽受詔輔政曰吾聞傳國以嗣嗣不肖以德今諸子皆非鼎器故不立子而立班班仁孝可輔之

太子班行喪禮孝義聞名

雄身多金瘡及病舊痕膿潰諸子惡而遠之班獨侍側親為吮膿雄卒班居喪盡禮諸子越期等班皆推心待之

妾子越孝堂中興心弒生

雄妾子越先出屯江陽至是奔喪成都與弟期謀作亂因班詣孝堂夜哭弒之於殯宮 江陽今四川瀘州

弟名期方得志老母遭刑

越立弟期即位為成王班舅羅演等謀襲期而復立班子事覺期復收演等並班母羅氏俱殺之

雄弟子襲成都殺期篡國

期驕虐日甚忌李壽威名以為車騎將軍使出屯涪城壽李驥之子雄之弟也起兵襲成都壽子勢時為翊軍校尉帥眾開門納壽壽遂克成都屯兵宮門矯太后任氏令廢期為縣公幽之期自縊壽篡位涪城今成都綿州

自為君改國號漢主中興

壽自稱帝改國號漢改元漢興

太子勢既登朝殺其弟廣

壽卒太子勢立勢弟漢王廣以勢無子求為太弟勢弗許襲廣於涪城廣自殺

彈詞註卷六

六

晉桓溫一燭火束手遭擒

勢驕淫不恤國事晉桓溫帥師伐之直指成都進遇漢將李權三戰三捷勢悉眾出戰於窄橋温大破之乘勝長驅縱火燒其城門勢遂降送建康封歸義侯而漢亡 窄橋在成都府西四里

同世界漢劉淵匈奴部帥

晉武帝咸寧中李特劉淵同時分據惠帝永興元年淵稱漢帝李雄稱成都王此二國創立最先初南單于自謂其先主漢室之甥因冒姓劉氏魏曹操留單于呼厨泉於鄴分南匈奴為五部處之并州境內以左賢王劉豹為左部帥至晉咸寧五年豹卒豹子淵為左部帥呼厨泉南單于王名劉淵叔祖也

晉懷時稱漢帝祖漢為君

初晉太弟穎表淵為冠軍將軍監五部軍事使將兵在鄴淵從祖右賢王宣謀推淵為大單于使呼延攸詣業告之淵白穎請歸會葬穎弗許及東瀛公騰等兵起淵請帥五部以赴國難穎悅拜淵為北單于淵

歸至左國城宣等上大單于之號尋稱漢王淵曰昔漢久長恩結於民吾漢之甥約爲兄弟兄亡弟及其建國號曰漢追尊安樂公禪爲孝懷皇帝至晉懷帝永嘉戊辰淵遂稱帝

擁大衆據平陽威加塞上

初淵至左國城二旬之間有衆五萬遂都左國城後胡晉歸者愈衆復徙都蒲子及稱帝太史令宣于修之以星變言于淵曰不出三年必克洛陽蒲子崎嶇難以及安平陽氣象方昌請徙都之淵從之史斷曰蠡起之衆輻輳歸之石勒王彌之輩皆北面稱臣平陽府名隸山西蒲子今平陽府隰州

子劉和方即位見弒於聰

淵寢疾以子楚王聰爲大司馬大單于淵卒太子和即位和性猜忌恐聰權重不利於已率兵攻聰於單于臺而不克聰即弒和而自立

聰得志聽兇兒莫除骨肉

聰以子黎爲相國黎與太弟又有隙與靳渠等計使謂又曰適逢中詔云京師有變宜衷甲以待又信之準等白聰曰太弟將爲亂自與宮臣皆衷甲矣聰使探之果然命準誅其官屬廢又爲百部王黎尋使準弒之

彈劄註卷六

七

入洛陽擒晉主九載而薨

晉永嘉五年聰使呼延晏石勒等寇洛陽克之擒晉懷帝建興三年使劉曜陷長安擒晉愍帝聰在位凡九年

子劉粲殺叔父宣淫庶母

聰寢疾以上洛王景濟南王驥輔政太子粲即位改元漢昌聰后靳氏樊氏宣氏王氏俱年未二十有色粲皆悉焉靳準陰有異志私謂粲曰近聞上洛濟南諸公欲行伊霍之事景即除之粲不納準使二靳氏復乘間言之粲遂收景驥殺之國事一委於準上洛縣名今西安府商州濟南府名屬山東

一家門遭斬駢死官庭

粲荒淫不道斬準執粲弒之劉氏男女無少長皆斬東市發淵聰二陵斬聰屍焚其廟自號大將軍漢天

弟劉曜滅靳家改稱前趙

曜聰之弟淵之族子早孤養於淵時為大司馬討始
 安王閏靳準之亂起兵長安與石勒共討準準數桃
 戰勒堅壁以挫之漢將軍喬泰等斬準推靳明為主
 遣卜泰奉傳國六璽降漢勒進兵攻明明奔漢曜收
 靳氏男女皆斬之先曜聞亂進軍至赤壁遂即位以
 石勒為大司馬加九錫進爵為趙國後徙都長安改
 國號趙赤壁水名源發平陽府趙城縣霍山西水
 流至岳陽縣西漏崖入地過南三十里復出合澗水

歷戰征射貫鐵雄武馳名

曜幼聰慧及長雄武魁偉鐵厚寸射
 而洞之聰常以為漢武世祖魏武帝之流

張茂降難當服稱臣納貢

曜西擊涼州張茂茂遣使稱藩曜封茂為涼王曜親
 攻氏羌楊難敵難敵退保仇池遣使稱藩曜以為武
 都王武都仇池皆郡
 名今總為鞏昌府成縣

彈詞註卷六

志驕酣被石勒一戰而擒

瑣按楊難當於宋元嘉六年廢武都王楊元子保
 宗而自立為大秦天王此應屬楊難敵當字誤

後趙王石勒遣石虎攻趙蒲阪曜自將救之虎敗曜
 遂攻金墉勒命石堪等會榮陽自統步騎濟自大壩
 至成臯卷甲銜枚詭道兼行出於鞏營之間曜專與
 嬖臣飲博不撫士卒忽知勒自來色變使人攝金墉
 之圍陳於洛西勒率步騎入洛陽城虎引步卒攻曜
 中軍堪以精騎擊其前鋒大戰於西陽門勒出闔閭
 門夾擊之曜素嗜酒至是將戰飲數斗至勒陽門揮
 陣說平堪因而乘之趙兵大潰曜昏醉墜馬為堪所
 擒勒下令曰所欲擒者一人耳今已獲之矣曜至襄
 國勒殺之曜子熙立次年亦沒於趙前趙遂亡蒲
 坂今平陽府蒲州成臯今開封府汜水縣鞏營皆縣名鞏即河南府鞏縣洛西水之西也

石勒氏據襄國時稱後趙

石勒上黨武鄉羯人并州飢東瀛公騰執諸胡賣充
 軍實勒被掠賣為荏平人師權奴權奇其狀而免之
 勒乃與牧師汲桑結壯士為盜及父師藩寇掠趙魏
 桑等赴之後為晉荀晞所敗桑死勒降漢劉淵任以

為將所向皆克張賓謂勒曰鄴有三臺之固宜據之以營河北河北定莫有處將軍之右者矣時晉劉琨以兄子演鎮鄴賓曰攻之未易猝拔不若擇便地而據之勒遂進據襄國晉太興二年勒遂與曜絕曰趙王趙帝孤自為之何待於彼耶自稱趙王是為後趙上黨今山西潞安府因號焉在平縣名屬山東東昌府三臺前臺名銅爵魏曹操築在彰德府臨漳縣治南中臺名冰井在縣治西南後臺名金虎亦在西南北聯屬各高四十餘尺襄國今北直隸順德府石勒

十四歲入洛陽倚肅東門

勒年十四行販洛陽倚肅上東門王衍見而異之曰向者胡雛有奇志恐為天下之患馳遣牧之勒已去

大英雄撰甲冑幾平海內

勒躬撰甲冑所向莫敵用兵如神

任張賓呼右侯特重謀臣

彈詞註卷六

九

中邱人張賓調達有大志常自比子房初勒狗山東賓謂所親曰吾歷觀諸將無如此胡將軍者可與共成大業乃提劍詣軍門勒用以為謀主及勒即位加賓大執法封濮陽侯呼曰右侯而不名

志磊落落喜聽書羞談曹馬

勒問中書令徐光曰朕可方何主對曰陛下神武謀畧過於漢高勒曰朕若遇漢高當北面事之若遇光武當並驅中原未知鹿死誰手大丈夫行事宜礪礪落落終不效曹孟德司馬仲達欺人孤兒寡婦媚以意論古今得失嘗聽讀漢書聞酈食其勸立六國後驚曰此法當失何以遂得天下及聞留侯諫乃曰賴有此耳

稱天王剛四載老病身傾

太子宏止一年遭逢石虎

晉咸和五年庚寅二月勒自稱大趙天王立世子宏為太子子宏為大單于以從子虎中山公為太尉虎怒曰吾身當矢石二十餘年以成大趙之業大單于當以授我乃與黃吻婢兒念之令人氣塞待主上宴

駕後不足復留種也至九月勒自稱皇帝至癸巳七月勒病卒宏即位虎自爲丞相魏王大單于次年宏自齋墮緩詣魏宮請禪位虎曰帝王大業天下自當有議何爲自論耶宏流涕還宮謂程太后曰先帝種真無復遺矣於是尚書奏請依禪讓故事虎曰宏愚暗不可君萬國便當廢之何禪讓也遂廢宏爲海陽王自稱居攝天王
中山今真定府定州

殺其身及其母負痛難伸

石虎先殺太后劉氏後幽宏及太后程氏尋皆殺之

石虎氏自稱尊連屠親子

晉建武丁酉虎稱趙天王建元己酉虎即帝位虎太子邃素驍勇虎愛之嘗謂殺臣曰司馬氏父子弟淫殘滅使朕得至此如朕有殺阿鐵理吾既而邃淫殘忍虎亦荒耽酒色喜怒無常數笞捶邃邃謀殺虎事覺虎廢邃殺之并男女二十六人同埋一棺立子宣爲天王皇太子後虎愛次子泰公韜欲立之以宣年長猶豫未決宣謂揚柅曰汝能殺韜以韜國邑封汝韜死主上必臨喪吾因行大事蔑不濟矣柅等殺

彈詞註卷六

韶虎哀驚久絕方蘇既而事覺虎幽宣於席庫以鐵環其額而鎖之斫眼潰腹縱火燒之虎登中臺觀之取灰分置諸門交道中殺其妻子九人宣小子年數歲虎尤愛之於抱中取而戮之兒挽虎衣大叫至於絕帶虎因以發病
阿鐵邃小字

用純灰滌腸胃終養兇兒

虎曰吾欲以純灰三斛洗吾腹腸穢惡故生冤子

末年來傳位與幼兒石世

初虎將軍張豺獲劉曜幼女納於虎嬖之生幼子齊公世宣死虎議立太子太尉張舉曰燕公試有武畧彭城公遵有文德惟陛下所擇豺曰陛下再立太子其母皆賤故禍亂相尋今宜擇母貴子孝者立之遂立世爲太子虎卒世遂嗣位

石遵來又殺世推刃天倫

初虎病甚以彭城王遵鎮關右燕王斌爲丞相受遺詔輔政劉后恐斌不利於太子矯詔殺之遵自幽州

至艱敕朝堂受拜遣之遵還至河中間喪征虜將軍石閔等討梁犢還遇遵於李城說遵曰殿下長且賢先帝亦有意以爲嗣未年懼惑爲張豺所誤今若聲豺之罪鼓行而討之其誰不開門倒戈而迎殿下者遵遂還趣鄴耆舊勳士皆出迎之遵入升殿斬豺於市假劉氏令以遵嗣位封世爲譙王尋殺之不記得勒遺言淡思周霍

初勒病篤遺命曰大雅兄弟宜善相保司馬氏汝之前車也中山王宜深思周霍勿爲將來口實大雅勒太子

前人死後人屠報應分明

鑒殺遵閔殺鑒石祗稱帝

勒死虎殺其子宏虎死遵殺其子世初遵殺世武與公閔之力居多及即位惡閔權重名義陽王鑒謀誅之鑒以語閔遂劫李農等殺遵而立鑒以閔爲大將軍農爲大司馬鑒又惡閔農之逼使樂平王苞等攻閔農不克閔尋殺鑒而自立並殺虎三十八孫盡滅石氏閔本姓冉爲石氏所養至是復姓冉改國號

彈詞詳卷六

士

曰大魏時趙新興王石祗鎮襄國聞冉閔之亂遂即位稱帝義陽今汝寧府信陽州樂平縣名屬太原府新興今太原府忻州

二三年都做了橫死猖神

祗在位三年使其將劉顯攻閔大敗顯軍顯懼請降求殺祗以自效顯歸弑祗而自立趙亡閔在位三年攻克襄國殺顯因遊食常山中山諸郡燕王儁遣慕容恪擊之燕兵十戰皆不勝恪乃分軍爲三部以鐵鎖連馬爲方陣而前分兩軍從旁夾擊圍閔數重閔潰圍東走馬忽斃爲燕兵所執送龍城斬之魏亡

留却下身後報死猶餘恨

三百鞭一柱殿漂蕩屍靈

初麻襦見石季龍語了無異言惟道陛下當終一柱殿下後燕王慕容儁夢石虎齧其背乃令人發屍於東明觀其屍僵而不腐傷數其殘暴之罪令武士鞭之三百投屍漳水倚橋柱不流時人以爲一柱殿下即此也

虎字季龍

前涼主晉懷時西平張軌

張軌安定烏氏人晉懷帝時為涼州刺史永嘉二年封西平公涼州今陝西涼州衛西平今陝西西寧衛

救涼州封太尉一代忠臣

晉愍帝建興二年以軌為太尉涼州牧初王彌寇洛陽軌遣都護北宮純入衛後復馳檄關中翼戴帝室時州郡之使莫有至者軌獨貢獻不絕忠臣誌見下張實註下

子張實嗣其宗入朝獻璽

軌卒子實立初惠帝失璽於蕩陰涼州軍士得之文曰皇帝行璽獻於實實曰是非人臣所得而留乃獻之長安書法曰軌能匡輔晉室子實嗣位一書得璽獻之一書遣兵入援一書遣韓璞將兵伐漢一書遣使上表皆予其忠也實可謂世篤忠貞者矣

甫七年遭帳下為璽傷身

彈詞註卷六

士

京兆人劉宏客居涼州天梯山以妖術惑眾實左右皆信事之宏自言天與神璽應王涼州實帳下閣涉等謀殺實而奉宏實知其謀遣收宏未至涉等遂殺實實所遣兵執宏輟之誅其黨與數百人實立於晉愍帝建興甲戌弒於晉元帝太興庚辰在位七年京兆今西安府天梯山在陝西涼州衛城南八十里

叔張茂立三年拜降劉曜

左司馬陰元等以實子駿尚幼乃立駿叔茂嗣位以駿為世子立三年趙王劉曜擊之茂出屯石頭疑寡不敵眾遣使稱藩曜拜茂太師封涼王加九錫

封涼王剛半載子駿為君

曜封茂為涼王半載即卒實子駿即位

向中華去趙封仍稱晉將

駿聞趙兵為後趙所敗乃去趙官爵復稱晉大將軍涼州牧遣張淳稱藩於成主李雄假道通表建康

二十年假王號氣勢憑陵

駿立一十二年時駿盡有隴西之地士馬強盛雖稱臣於晉而不行中興正朔所立官僚府寺擬於王者

傳位與子重華攻秦擊趙

駿卒子重華嗣位晉仍遣使拜西平公重華自稱涼王重華攻秦上郅拔之趙王虎以重華新立遣麻秋等擊涼進攻抱罕重華使謝艾擊敗之秋等退守大夏虎聞之歎曰吾以偏帥定九州今以九州之力困於抱罕彼有人焉未可圖也

上郅縣名故城在秦州抱罕城名一統志故城在陝西河州衛西

庶兄來弒幼主骨肉分爭

重華卒子曜靈立年甫十歲重華庶兄祚有勇與嬖臣趙長等結為兄弟曜靈立未一月長等廢之而立祚祚自稱涼王祚惡河州刺史張瓘之彊使索孚代之瓘斬孚起兵傳檄州郡廢祚復立曜靈將軍宋混應之祚殺曜靈混軍至姑臧瓘弟瑯開門納之長等懼罪入閣呼重華母馬氏立曜靈弟元觀為主諸將收長殺之祚素失眾心莫肯為之鬪者亦見殺姑臧縣名故城在陝西涼州衛東河州一統志云即陝

西河州衛

三

西河州衛

張元觀立九年死於叔父

元觀始七歲張瓘推為涼王在位九年叔父天錫專權執政元觀庶母郭氏謀誅之事泄天錫遂執元觀弒之

張天錫奪姪位酒色荒淫

天錫殺姪纂位自稱涼州牧西平公荒於酒色不親庶務人情憤怨

傳七代亂離中四場家禍

自張軌至天錫凡七主曜靈張祚不與其內而實曜靈祚元觀俱被殺

有虛名無實位降與苻秦

前涼諸主止有稱王虛名俱未即真天錫在位十三年秦王苻堅命王猛為書諭之天錫懼遣使稱藩墜拜為涼州刺史西平公後堅以天錫臣道未純遣尚書郎梁殊徵之天錫射殺之秦將軍苟長等濟河天

錫遣將掌據拒戰敗死秦兵至姑臧
天錫出降秦封為歸義侯前涼亡

前秦者略陽人蒲洪子健

苻宏略陽氏人其家池中蒲生長五尺五節如竹形
時咸謂之蒲家因為氏焉又隴右大雨謠曰雨若不
止洪水必起遂名洪後以讖文有草付應王語又其
孫堅始生背有赤文隱起曰草付臣又土王咸陽八
字因改姓苻名堅以應之晉懷帝永嘉中洪自稱略
陽公三秦王尋為故趙將麻秋所殺子健收秋斬之
嗣位是為前秦略陽縣名屬漢中府氏本西南奢
種漢置武都郡排其種人分窟山谷或號青氐或號
氏白

永和辛亥歲即位稱秦

晉穆帝永和辛亥七年健即天王大單于位國號大
秦八年健以單于統一百蠻非天子所宜領以授太
子自稱
皇帝

子苻生性暴虐瞎兒一淚

彈詞註卷八

健第三子淮南王生幼無一目而性尤暴虐祖洪嘗
戲之曰吾聞瞎兒一淚生怒引佩刀自刺目出血曰
此亦一淚也洪驚鞭之生曰性愛刀槊不堪鞭筆洪
欲除之健曰兒長自應改何以遽爾及長力舉千鈞
手格猛獸擊刺騎射冠絕一時健以讖文
有三羊五眼乃立生為太子健卒生嗣位

屠功臣恣殺害被弑宮庭

初健寢疾以太傅毛貴尚書令梁楞僕射梁安等受
遺詔輔生後有星變中書令胡文言三年內國有大
喪大臣戮死生曰皇后對臨天下可以應大喪矣毛
太傅等可以應大臣矣乃殺皇后及貴楞安生在位
二年自公卿以下凡殺五百餘人生對侍婢言曰阿
法兄弟亦不可信明當除之婢以告東海王堅及堅
兄清河王法法帥壯士入雲龍門堅帥麾下繼
進宿衛壯士皆舍仗歸堅生猶醉寐堅兵殺之

壯烈堅大作為賴逢王猛

堅既弑生法讓堅適嗣且賢宜立堅乃去帝號稱大
秦天王堅雄壯有胆略時譽歸之北海王猛個儻有
大志隱居華陰尚書李婆樓薦猛於堅謂其謀略不
世出堅捨至一見如舊友自謂劉元德之逢諸葛孔

明也後堅為後秦王姚萇所執堅自以平生遇萇有恩尤忿之數罵萇求死萇益之論堅曰壯烈天王王猛字景畧北海劇人封清河侯

廿八載併強燕政治嚴明

堅在位二十八年晉帝奕隆和庚午堅遣王猛伐燕猛長驅入鄴所過郡縣望風降附燕主暉出降遂併燕地猛號令嚴明法簡刑寬燕民各安其業

景畧逝寵鮮卑養留蜂蠆

王猛寢疾堅訪以後事猛曰晉雖僻處江南然正朔相承上下安和臣沒之後願勿以晉為圖鮮卑戎羌我之讐敵宜漸除之言終而卒堅泣曰天不欲使吾平一六合耶何奪吾景畧之速也然堅寵慕容垂等如故不用猛言終受其禍

擬投鞭斷江流弱晉平吞

堅會羣臣謀大舉寇晉太子左衛率石越曰彼據長江之險民為之用未可伐也堅曰以吾之眾投鞭於

江足斷其流有何險之足恃乎左僕射權翼陽平公融等皆諫不聽

冠軍垂龍驤萇各懷具志

初燕慕容恪病勸燕主暉倚任吳王垂太傅評忌之及垂與晉桓溫戰於枋頭大破之垂還鄴威各益振評謀誅之恪子楷告垂垂曰骨肉相殘首亂於國不忍為也寧避之於外耳遂奔秦先堅聞恪卒陰有圖燕之志暉垂不敢發及聞垂至大喜郊迎執手曰天生賢傑必相與共成大功王猛勸垂除之執手不從以垂為冠軍將軍石祗稱帝於燕桓溫擊敗之襄遂據軍石氏滅襄歸晉後拔降於燕桓溫擊敗之襄遂據襄陵將進圖關中遂據黃落秦將軍鄧羌擊斬之弟萇帥其眾降至是堅大舉朝臣皆不欲堅行獨垂萇勸之陽平公融諫曰垂萇我之仇讐何可聽也王景略一時英傑陛下比之諸葛武侯獨不可記聽也景略言乎堅不聽以垂督步騎為前鋒以萇為龍驤將軍督益梁州諸軍初苻健入關葶天神遣使者朱衣赤冠命拜堅為龍驤將軍使翼曰授之卒建帝業至是堅謂萇曰朕以龍驤建業未嘗輕以授人卿其勉之及堅與晉戰敗中流矢單騎走諸軍盡沒惟垂所將三萬人獨全堅赴之垂子寶言於垂曰秦王兵敗委

彈詞註卷六

十五

身於我時不可失也。垂曰：秦王以國士遇我，此恩何可忘也。吾當懷集關東，以復先業耳。後垂、萇俱各叛秦。

八公山逢桓謝鶴唳風聲

註見四卷
風鶴句下

慕容冲攻長安出遼五將

被姚萇活殺勒愼悔平生

西燕主慕容冲起兵平陽進逼長安堅自督戰飛矢滿體流血淋漓冲縱兵暴掠關中千里無烟堅懼以讖書云帝出五將久長得遂出奔五將山後秦王姚萇遣吳忠帥騎圍之秦兵散走鞋堅萇遣人縊堅於新平佛寺初堅聞垂攻鄴北地長史慕容泓等俱起兵乃悔謂權異曰不用卿言使鮮卑至此五將山在鳳翔府岐山縣北三十里亦名武將山

長樂丕走晉陽稱尊繼統

彈詞註卷六

六

堅子長樂公丕鎮鄴垂攻之丕將西赴長安入至晉陽聞長安不守乃發喪遂於晉陽稱帝長樂縣名今真定府冀州晉陽今太原府

慕容永殺將來死在刀兵

西燕王慕容永遣使詣丕求假道東歸丕不許與戰於襄陵秦兵大敗丕南奔東垣謀襲洛陽晉將馮該自陝邀擊殺之襄陵縣名屬平陽府東垣故城在真定府城南八里

衆臣宰立苻登正名討賊

苻登秦之疎屬封南安王聞丕死衆臣立之稱帝於南安率兵伐後秦立世祖神主於軍中凡所欲爲必赦而後行將士皆刻鋒鏑爲死休字所向無前南安今鞏昌府

十餘年空攘攘敗與姚興

晉寧康十九年後秦主姚興擊登殺之自慕容垂等起兵至此凡十一年而前秦亡

後秦王起姚萇苻堅司馬

桃萇赤亭羌人燕慕容泓起兵華陰秦王堅遣苻敵擊之以萇為司馬赤亭今鞏昌府隴西縣羌本西方牧羊人三苗姜姓之別
裔華陰縣名屬西安府

自淝河兵敗後背主稱秦

萇自堅淝水兵敗後陰蓄異志會堅遣同苻敵擊燕敵敗見殺萇遣長史詣堅謝罪堅怒殺之萇懼奔魏北馬牧羌豪推萇為盟主萇自稱秦王進屯北地是為後秦晉孝武寧康十一年取長安稱帝

既得志弑其君及其主后

萇先弑前秦主苻堅及苻登立萇擊之於安定敗之秦后毛氏美而勇善騎射兵入其營猶彎弓跨馬帥壯士力戰殺七百餘人眾寡不敵為萇所執萇將納之毛氏罵且哭曰姚萇汝已殺天子又欲辱皇后皇天后土寧汝容乎萇殺之

天官兵鬼使者竟斃陰刑

萇夢苻堅將天官使者鬼兵數百刺中萇陰窟而驚悸遂患陰腫醫刺之出血而死

彈詞註卷六

七

子姚興滅苻登尊賢禮士

萇卒子興秘不發喪自稱大將軍帥眾伐秦執秦主登殺之興命羣臣皆舉賢才隨時任用接臣下以禮聞楊桓之賢而徵之利鹿孤不敢留

戡內難殲強敵識勢知兵

戡內難註見下奪嫡句下殲強敵註見前滅苻登句下

還燕俘畀晉城頗饒才略

南燕王趙母妻在秦趙遣使稱藩獻樂妓於興與遣其母妻還之晉劉裕求和於秦因求南鄉諸郡羣臣不可興曰天下之善一也裕拔起細微討桓元復晉室內蓋庶政外修封疆吾何惜數郡不以成其美乎遂以十二郡畀晉南鄉故城

在南陽府南陽縣西一百里

任賢能恢疆土共服驍英

秦隴西公姚碩德興事之如家人禮國家大政皆咨而後行碩德軍令嚴整撫納夸夏分置宰守涼王呂

隆兄弟相賊政亂民飢與遣碩德直趨姑臧隆遣呂
超逆戰碩德大破之隆降於是西涼公暲河西王利
鹿孤張掖公蒙遜各遣使奉表入貢於秦碩德
表隆為涼州刺史遣使授南涼北涼西涼官爵

只末年愛少子幾乎奪嫡

與末年寵愛廣平公弼僕射梁喜言於與曰廣平公
潛有奪嫡之志陛下寵之太過道路皆言陛下將有
廢立之計與曰豈有此耶喜曰苟無之則陛下愛弼
適所以禍之願去其左右損其威權非特安弼乃所
以安宗社也與不得已乃免弼尚書令還第與如華
陰使太子泓監國弼黨侍郎尹冲謀因泓出迎殺之
奉興幸弼第作亂未果與還宮疾篤尹
冲帥甲攻端門與力疾臨前殿賜弼死

到頭來傳位與太子姚泓

與卒太子泓立

晉劉裕入潼關降為虜虜

晉安帝義熙十三年太尉劉裕伐秦所向皆克遂入
潼關遣將軍王鎮惡自河入渭泓使姚丕守渭橋拒

彈詞詩卷六

大

之鎮惡大破丕軍泓遂出降潼關在西安府華陰
縣東四十里渭水名源出臨洮府渭源縣烏鼠山西
北谷東流經盩厔與平成陽渭南
等縣直至華陰縣界入於黃河

可憐哉亡國主死在金陵

裕執泓送金陵
斬之後秦亡

西秦主乞伏苻秦勇將

乞伏國仁本隴西鮮卑居勇
士川為前秦主堅前將軍

見秦衰背其主隴右稱尊

國仁從堅寇晉叔父步頽聞秦師敗率隴西叛之堅
使國仁討之國仁遂與步頽合眾叛據隴右晉孝武
寧康十年自稱單于是為西
秦隴右即隴西今臨洮府

傳位與弟乾歸十年而止

被姚興擒父子委質稱臣

國仁卒弟乾歸立乾歸擊殺前秦王苻登子崇盡有
隴西之地自稱西秦王凡十年後秦王興遣姚頊德
伐之乾歸戰敗奔金城乞降於南涼利鹿孤秦兵退
乾歸謀歸或以白利鹿孤乾歸懼為所殺乃送太子
熾磐於西平南奔抱罕遂降於秦熾磐旋亦逃歸秦
使乾歸還鎮苑川後乾歸如秦興以乾歸寢強難制
留為主客尚書其子熾磐行西夸校尉監其部衆
後自秦逃歸復稱王 苑川城名故城在蘭縣西

乾歸死子熾磐報讐而立

晉義熙八年乾歸為乞伏公府所殺公府走保大夏
子熾磐遣其弟智達討公府獲之輟之譚郊熾磐乃
自立為河南王 大夏漢縣
名故址在陝西河州衛境內

號文宣當宋氏有子傳承

宋文帝元嘉五年熾磐卒子暮末嗣位
瑛按熾磐諡文昭王此稱文宣疑誤

子暮末遇饑荒時乖運塞

秦地震野草皆自及又正月不
雨至於九月城中大飢人相食

彈詞註卷六

九

赫連家敗寡弱剋滅無存

宋元嘉八年夏主赫連定擊秦遣其叔父韋伐攻南
安秦城內大飢暮末窮蹙遂出降定殺之夸其族西
秦遂滅

大夏主赫連氏名稱勃勃

叛其君居統萬反面攻秦

勃勃劉衛辰之第三子南單于苗裔其祖從母姓姓
劉勃勃改姓赫連氏言其徵赫與天連初魏王拓跋
珪滅衛辰勃勃奔秦秦王姚興奇之以為將軍使鎮
朔方會秦與魏和勃勃怒遂叛秦自謂夏后氏之苗
裔稱大夏天王進攻秦三城以此諸戎斬秦將楊丕
等復侵掠嶺北諸城興使僕射齊難討之為勃勃敗
擒之後取長安遂稱帝於灊上初勃勃築城於朔方
郡北黑水之南曰朕方統一天下君臨萬邦所築新
城宜名統萬至是遂定都
焉 朔方今陝西寧夏衛

取長安如破竹謀臣買德

晉劉裕伐秦克長安擒秦主泓裕東還留子義宣守之勃勃問王買德曰祗欲取關中卿試言其方略買德曰關中形勢之地而裕以幼子守之狼狽而歸王欲急成篡事耳不暇復以中原爲意此天以關中賜我不可失也勃勃乃遣兵向長安悉降於夏勃勃遂進據咸陽長安採樵路絕裕聞之名義軍東歸以未齡石代鎮長安勃勃帥衆追義軍至青泥晉兵大敗義軍僅以身免齡石奔潼關夏兵追殺之遂定長安勃勃享將士舉薦屬買德曰卿往日之言一期而驗可謂筭無遺策矣中原即中國皇極經世書云

置鋸鑿嗜殺縱恣威刑

勃勃性橋虐置鋸鑿於左右羣臣忤視者鑿其目笑者抉其唇諫者截其舌葦土築城錐入一寸即殺作人而弁禁之所造兵器射甲不入斬弓人射入即斬釘匠

傳位與親子昌三年過眼

勃勃卒子太原公昌立在此僅三年

彈詞註卷六

三

魏太武舉兵來擄入平城

魏太武帝燾以輕騎濟河襲統萬分軍伏於深谷以少衆至城下昌堅守不戰魏乃退兵以示弱魏軍士有亡奔夏者言魏軍竭盡輜重在後步兵未至宜急擊之昌乃將步騎三萬出城爲兩翼鼓譟追之魏分爲左右隊奮擊之昌大敗遂奔上郢魏將軍尉眷監軍侍御文安頡進攻之昌自出搏戰魏軍爭赴之昌敗走頡追擒之送入平城賜爵會稽公後昌謀叛魏殺之

赫連定就平涼稱王建號

平原王定昌之弟也初魏西伐昌遣定與魏司空奚斤等相持於長安及失統萬定奔上郢至是昌被執定收其餘衆奔平涼改元勝光平涼府各隸陝西

恰三年仍舊賈束手遭擒

定遣使請和於宋約合兵滅魏魏太武聞之帥兵伐夏遂如統萬襲平涼使將軍古弼等將兵趣安定定自安定北救平涼與弼遇弼擊敗之定走鶻觚原魏進攻之夏衆大潰定走上郢魏遂取安定克平涼定

長魏人之逼擁秦民十餘萬自治城濟河欲擊北涼
吐谷渾王慕瓚遣騎乘其半濟邀擊之執定以歸送
於魏殺之而夏亡定在位僅三年 鵠
觚原在平涼府靈臺縣東北三十里

後涼主三河王名光姓呂

呂光畧陽氏人初為前秦王苻
堅驍騎將軍後自稱三河王

父婆樓事苻堅開國勲臣

光呂婆樓之子為秦尚書堅殺苻生婆樓與王猛
立堅為帝堅以婆樓為給事黃門侍郎掌樞密

總強兵征西域龜茲破滅

光統秦兵七萬征西域及流沙三百里焉耆國王泥
流率旁國皆降進攻龜茲龜茲王帛純求救於胡僧
胡王引諸國兵七十餘萬以救之光與戰大破之帛
純出走光入其城恩威甚著遠方諸國前世所不能
服者皆來歸附 龜茲焉耆皆胡俱西域國名流沙
河名地屬五服之外西境之最遠者其沙隨風流行
故曰流沙

彈詞註卷六

三

振旅還聞國難縞素於君

光自龜茲還聞秦王堅死乃縞素出師擊涼州殺刺
史梁熙自稱涼州牧酒泉公 酒泉今陝西肅州是

恢謀略據姑臧稱王改號

晉孝武寧康二十一年光據姑
臧稱涼天王改元龍飛國號涼

載羅什至中華翻譯諸經

鳩摩羅什天竺人世為國相父羅炎避位出家度蔥
嶺龜茲國王聞其名請為國師以妹配之生羅什年
七歲日誦千偈西域諸國服其神後每至講說諸經
諸王皆長跪聽之至呂光破龜茲載入中華後秦王
姚興滅涼得羅什以為國師使居逍遙園命翻譯西
域諸經論由是州郡事佛者十室而九 蔥嶺西域
名山

建號來不多時風燈燄息

衆兒郎自讐殺庶篡稱尊

光稱涼王三年疾甚立子紹爲天王自號太上皇以紹庶兄太原公纂爲太尉常山公宏爲司徒及光卒光弟子超謂紹曰纂爲將積年威震內外宜早除之紹不從宏謂纂曰主上闇弱兄宜爲社稷計不可徇小節也纂宏於是夜帥壯士攻廣夏門入升殿紹自殺纂乃即天王位纂忌宏功高宏遂作亂纂擊敗之宏奔南涼過廣武呂方執宏送獄纂遣人殺之

超弑纂立兄隆亡家喪國

被姚興除散騎俯伏紅塵

纂嗜酒宴番禾太守呂超於內殿超兄中領軍隆勸纂飲纂醉超殺之而立兄隆爲天王後秦王興遣姚頌德伐涼自金城濟河直趣姑臧隆遣超等逆戰頌德大破之遂圍姑臧隆遂降頌德表隆爲涼州刺史至晉安帝元興二年興徵隆入朝除爲散騎常侍而後涼亡 番禾音盤和其地屬涼州衛

短局促十八年相傳四主

呂光傳紹纂隆凡四主止一十八年

彈詞註卷六

三

因饑荒支不住做了凡民

姑臧穀踊貴斗米值錢五千文人相食餓死者十餘萬口

南涼王禿髮氏烏孤創首

禿髮烏孤鮮卑人與拓跋氏同祖後徙居河西西本月氏國之地漢武帝置酒泉武威張掖燉煌金城等郡號河西五郡今陝西甘肅鎮是也

呂光朝任都統反據金城

晉孝武寧康十九年涼王呂光以烏孤爲河西大都統安帝隆安元年叛光攻涼取金城據之自稱西平王是爲南涼 金城郡名今爲陝西寧夏衛

傳乃弟利鹿孤仍傳乃弟

烏孤卒傳弟武威王利鹿孤更稱河西王鹿孤卒復傳弟儁檀 武威今陝西涼州衛

至儁檀獻羊馬納款姚秦

初利鹿孤稱臣於秦至僇檀獻姚興馬
三千匹羊三萬頭興署為涼州刺史

輕蒙遜藐熾磐興師討叛

被西秦拿敗了鳩死其身

唾契汗乙弗等部叛僇檀欲討之孟愷諫曰今年飢
饑南逼熾磐北逼蒙遜百姓不安遠征雖克必有後
患僇檀不從謂太子虎臺曰蒙遜不能猝來熾磐兵
少易禦汝謹守樂都吾不過一月必還矣乃帥騎襲
乙弗大破之西秦王熾磐聞之帥步騎二萬襲樂都
虎臺憑城拒守熾磐四面攻之一夕城潰熾磐入樂
都徙虎臺等於抱罕僇檀曰吾老矣所適不容寧見妻子而死
聞辭皆散僇檀曰吾老矣所適不容寧見妻子而死
遂歸於熾磐歲餘熾磐使人鳩之唾契汗一部之
姓乙弗亦一部之姓契音喫汗音寒樂都今陝西西
寧

寧

十九載短光陰弟兄三箇

自烏孤傳僇檀弟兄
三主共一十九年

彈詞註卷六

功不成名不就禍及兒孫

僇檀子虎臺亦
為熾磐所殺

前燕主鮮卑氏慕容番類

慕容氏昌黎棘成鮮卑人世居北夸邑於紫蒙之野
號曰東胡按姓纂鮮卑涉鮄進拜單于遵循華俗
自云慕二儀之德繼
三光之容故以為氏

初祖廐為晉將鎮守幽并

慕容廐在晉武帝時入寇後拜為鮮卑都督自遼東
徙居大棘城元帝太興二年廐擊破宇文部遣使獻
捷元帝以廐都督幽并二州封遼東郡公
幽州今順天府并州今永平府廐音仄

廐子銑僇稱號傳之子儁

廐卒子銑嗣晉以銑為鎮軍大將軍遼東公成
咸康二年銑僇稱燕王銑卒子儁襲位銑音

永和即帝位海內橫行

晉穆帝永和八年備許言獲傳國璽
遂自薊遷都於鄴 稱帝國號大燕

慕容恪匹霍光扶持社稷

備卒子暉立是為幽帝暉以叔慕容恪為太宰專錄
朝政恪虛心待士量才授任力扶社稷崔浩謂魏主
曰慕容恪之輔幼主
慕容暉之霍光也

吳王垂破桓温深曉行兵

慕容垂號第五子備嘗號封垂為吳王晉桓温伐燕
燕主暉大懼謀奔和龍垂曰臣請擊之若其不捷走
未晚也暉乃使垂拒温而使樂嵩請救於秦温與垂
戰於枋頭大敗又聞秦兵將至乃奔還燕將急欲追
之垂曰温初退必嚴設警備簡精銳為後拒不如緩
之彼幸吾未至晝夜疾趨俟其氣衰擊之無不克矣
乃帥八千騎躡其後温果兼道而進帥日騎伏於東
澗下與垂夾擊温大破之 和龍即燕所築龍城因
有二龍見於龍山遂命所居新宮曰和龍後契丹又
改曰黃龍府枋頭地名在大名府濬縣西南八十五
里洪水之北襄邑今歸德府睢州東澗水名在河南
府盧氏 縣北
彈詞詩卷六

府盧氏 縣北

幽帝暉陷河南總方得志

暉初遣傅頰率騎二萬觀兵河南臨淮而還後燕李
洪敗晉兵於懸瓠按許昌汝南諸郡慕容恪使悅希
軍盟津孫興軍成臯悅希引兵畧河南諸城悉為所
陷旋取洛陽 懸瓠城名即今汝寧府盟津即孟津

被苻堅與士馬擄入西秦

初燕請救於秦許賂虎牢以西之地及晉兵退暉不
與秦主堅遣王猛伐燕王猛伐燕驅圍鄴堅自帥精騎十
萬赴之燕散騎侍郎徐蔚開鄴北門納秦兵暉奔龍
城堅追及於高陽執之遷於長安封為新興侯 龍
城初燕築城於龍山之西命曰龍城在
永平府西四十里高陽縣名屬保定府

垂降秦封冠軍叛秦而起

初慕容垂破桓温兵還鄴燕太后可足渾氏與太傅
評忌之謀誅垂垂奔秦秦王堅拜垂冠軍將軍封
實都侯後堅淝水之敗返至澗池垂言於堅曰北鄙
之民間王師不利輕相扇動臣請奉詔書鎮慰之堅

許之垂至安陽秦苻丕館垂於鄴西垂潛與燕故臣謀復燕祚會丁零翟斌叛秦攻洛陽兵盡殺之復遣人告於慕容農等悉起兵叛秦 渾池縣各屬河南府安陽縣屬彰德府河內今懷慶府

據中山稱後燕祖業重興

晉孝武寧康九年垂自稱燕王都中山至十一年稱帝是為後燕 中山今真定府

舉事時年已老謀猷無敵

垂起兵舉事年已七十有文武全才謀猷無敵

參合陂報讐恥襲魏平城

垂遣太子寶攻魏魏道武擊敗之寶夜遁魏急追之手就縛擒其王公文武數千垂恥之復引兵密發踰青嶺經天門鑿山通道出魏不意直指雲中襲魏平城克之盡取其部落初垂至寶前敗所見積骨如山設祭弔之號哭震地垂慚忿至是發病而還遂死於

彈詞卷六

五

上谷 參合陂故城在朔州定襄縣北天門關各在太原府城西四十里雲中今山西大同府上谷今保州安

錯疑心賢后言驪姬誤視

傳位與不才兒怎保家門

垂先段后生子令寶後段后生子朗鑒愛諸姬子麟農隆柔熙寶立為太子初有美稱已而荒怠中外失望垂后後段氏言於垂曰寶姿質雍容柔而不斷承平則為仁明之主處難則非濟世之雄今託以大業未見克昌之美遼西高陽陛下賢子宜擇一人付以大業趙王麟姦詐負氣嘗有輕寶之心宜早圖之寶善事垂左右多譽之者故垂以為賢謂段氏曰汝欲使我為晉獻公乎段氏泣而退告其妹范陽王妃曰太子不才天下所知吾為社稷言之主上乃以告為驪姬太子必喪社稷聞而盡其在王乎寶麟聞而憾之垂卒傳位於寶

寶即位弒慈親龍城被困

寶嗣位遣趙王麟逼段氏自裁段氏怒曰汝兄弟逼殺其母安能保其社稷乎吾豈愛死但忘國亡不久耳遂自殺龍

走黎陽遭禍患父子同坑

魏道武伐燕尅信都寶自擊之營於滹沱水北魏軍衝之寶大敗奔還中山魏進圍之燕清河王會引兵赴難至薊城適趙王麟作亂謀弒寶不克出奔西上寶恐麟奪會軍據龍城乃夜與太子策及遼西王農高陽王隆等出赴會軍會亦作亂勒兵攻寶寶帥數百騎馳至龍城長上段速骨作亂與燕尅寶擊通謀攻陷龍城寶及長策承制遣使迎寶從之行至黎陽遣中黃骨殺之奉太子策承制遣使迎寶從之行至黎陽遣中黃其不捷徐歸龍城未晚也寶從之行至黎陽遣中黃門令趙思告范陽王德奉迎寶既遣思而聞德已稱制又懼而北走行至鉅鹿會汗復遣思以寶以汗垂之季舅子威又汗之婿謂必無二乃還寶去龍城四十里汗遣弟加難帥五百騎迎入外邸而弒之並殺太子策汗自稱昌黎王黎陽今大名府濬縣西山有二處一在順天府西三十里一在河間府青縣西

彈詞謹卷六

矣

南五里鉅鹿今順德府昌黎縣各屬永平府

慕容盛討元兇攝行統制

初寶還龍城子威回諫不聽乃與將軍張真下道避匿及聞寶死威欲赴哀真止之威曰汗性愚淺必念婚姻不忍殺我旬月之間足以展吾志遂往見汗汗妻乙氏及威妃皆涕泣請威汗哀之乃舍威於宮中以爲侍中親視如舊汗子穆謀殺威未果李早張真皆威所素厚也穆引爲腹心早真潛與威結謀會汗穆皆醉威因踰垣入東宮與早等殺穆諸軍聞威得出皆呼躍爭先攻汗斬之威乃以長樂王攝行統制

不三年逢殺手不得全身

威嗣位未三年段太后兄之子璣作亂威帥左右出戰被傷而卒

叔父熙遭養子高雲篡弒

燕河間公熙得幸於大后丁氏太后乃廢威太子定立威叔父熙討璣殺之即天王位熙將軍馮跋得罪於熙亡命山澤欲舉大事潛入龍城匿於孫護家會熙后苻氏卒熙出送葬跋與將軍張興等推熙養子

夕陽公雲為主雲高句麗之支屬也帥象入宮授甲
閉門拒守熙還攻北門不克雲遂即天王位執熙殺
之復姓高氏 高
句麗東李國名

被將軍馮跋氏占了家門

高雲自以無功德而居位內懷危懼常蓄養壯士以
為腹心爪牙寵臣離班桃仁專典禁衛賞賜巨萬而
班仁志願無厭猶有怨憾至是殺雲將軍馮跋
升門觀變帳下共斬班仁跋遂即位而後燕亡

馮跋氏自稱王北燕初主

馮跋信都胡人為後燕將軍篡
位稱燕天王是為北燕太祖

弟馮宏殺兄子自立為君

燕太祖寢疾命太子翼攝國事宋夫人欲立其子受
居謂翼曰上疾將瘳奈何遽欲代父乎翼性仁弱遂
還東宮中給事胡福慮宋夫人遂成其謀乃言於中
山公宏宏率壯士披甲入禁中宿衛皆不戰而散夫
人命閑東閭宏家僮踰閭而入太祖驚殛宏
遂殺翼及太祖諸子百餘人僭即天王位

彈詞註卷六

無主宰兩徘徊稱藩宋魏

宏遣高顯稱藩於魏太武以季女充魏掖庭魏徵其
太子王仁入朝宏不送質魏伐之收其禾稼徙民而
還宏為魏所攻乃遣使稱藩奉貢於
宋宋封為燕王江南謂之黃龍國

不得已奔高麗死在遼城

宋元嘉十三年魏太武遣長樂王丕等伐宏宏日危
感乃遣陽伊請迎於高麗魏攻白狼城克之高麗遣
將隨陽伊迎宏宏遂出奔至遼東高麗王璉遣使勞
之曰龍城王馮君愛適野大士馬勞乎宏慚怒稱制
讓之高麗乃奪其侍人取其太子王仁為質宏
恐高麗遣使求迎於宋宋主迎之高麗遂殺宏

西燕主慕容冲平陽自立

冲幽帝暉之兄初慕容泓起兵華陰冲起兵平陽秦
實衝擊冲敗之冲奔泓泓謀臣高蓋殺泓而立冲晉
孝武寧康十年冲稱帝於阿房是
為西燕 阿房即秦始皇所築

入長安遭殺害兄子忠承

冲攻秦秦王堅走五將山冲遂入長安冲左將軍韓延殺冲而立冲將段隨為燕王慕容恒慕容永襲殺段隨而立宜都王子顛帥鮮卑男女四十餘萬口去長安而東恒弟韜殺顛恒又立冲之子瑤永又殺之立宏之子忠至聞喜稱帝宜都今荆州府彘陵州宜都縣聞喜縣名属平陽府

慕容永弒其君終還一報

慕容永弒其君段隨又弒瑤又弒忠凡三弒其君而自立為河東王進據長子稱帝終為慕容垂所誅河東今平陽府蒲州長子縣名属潞安府

慕容垂印智囊掃蕩塵氛

慕容垂謀伐永諸將以永國未有釁司徒范陽王德固勸伐之垂曰司徒議與吾同且吾雖老叩囊底智足以克之不敢留逆賊以累子孫乃伐永圍長子拔之執永斬之西燕遂亡

南燕主慕容德垂之愛弟

慕容德號之少子垂之弟最為垂所親愛封范陽王范陽今涿州

彈詞註卷六

復殘基據廣固講武屯兵

後燕王寶以德鎮鄴魏攻寶寶東走魏復攻鄴德南走滑臺自稱燕王初秦主登之弟廣依德德處之乞討廣至是自稱秦王德乃留魯王和守滑臺自帥眾滑臺韓範曰向也魏為客吾為主今也吾為客魏為主不如先據一方自立基本乃圖進取潘聰曰廣固城地形阻峻若得其地閉關養銳伺隙而動此乃陛下之關中河內也德乃引師而南兖州北鄒諸郡縣皆降進攻廣固晉幽州刺史辟閭渾奔魏德拓斬之遂克廣固因定都稱帝範上疏曰晉室衰亂拓地定功正在今日德因講武城西凡步奪三十七萬人騎五萬三千車萬七千乘廣固故城在青州府城西

調臣下比少康猶輕光武

德問羣臣朕可方古何主鞠仲曰陛下中興聖主少康光武之儔也德顧左右賜仲帛千匹仲以多辭德曰卿知調朕朕不知調卿耶

乏儲嗣迎其姪子母歸秦

天

慕容超嗣叔位五樓用事

初德仕秦為張掖太守從秦王堅寇淮南留金刀與其母公孫氏別德與燕主垂舉兵張掖秦收德兄納及諸子殺之公孫氏以老獲免納妻段氏方娠未決歲揉呼延平德之故吏也竊以逃羌中段氏生超十歲而公孫氏卒以金刀授超平又以為超妻其女超恐為秦所錄乃伴狂行乞德遣人往視之超不敢告其母妻潛變姓名逃歸德聞超至大喜遣騎迎之超以金刀獻德德悲憫不超勝封超為妻猶在秦無嗣遂立超為太子及德卒超嗣位超母婁猶在秦乃遣使稱藩獻木樂伎一百二十人於秦秦王興乃遣其母妻還之超引所親公孫五樓為心腹五樓遂擅權用事鎮甘山是其地也

棄良言不守險大峴過兵

晉劉裕伐南燕舟師自淮入泗起名羣臣會議公孫五樓曰兵輕果利在速戰宜據大峴使不得入然後徐簡精騎絕其糧道勅衆緣山東下腹背擊之上策也超不從裕過大峴燕兵不出裕喜曰兵過大峴士有必死之志餘糧棲畝人無匱乏之憂虜已入吾掌中矣

彈詞註卷六

无

晉合圍秦不救突馳無計

劉裕使參軍胡藩潛師出燕兵後戰於臨朐大破之超遁走廣固裕築長圍守之超求救於秦秦王與使使謂裕曰今遣鐵騎十萬屯洛陽晉師不還當長驅而進裕曰我克燕之後當取關洛今能自送使可速來劉穆之曰廣固未拔而先寇奄至何以待之裕曰彼能赴救必畏我知寧容先遣信命是張大之辭耳秦救果不至裕悉衆攻廣固南燕尚書悅壽開門納晉師超突圍出走裕追獲之

臨朐縣名屬山東青州

往亡日被劉裕捆縛生擒

初劉裕悉衆攻廣固或曰今日往亡不利行師裕曰我往彼亡何為不利卒擒送建康斬之南燕亡往亡立春後七日驚蟄後十四日清明後二十一日立夏後八日芒種後十六日小暑後二十四日立秋後

九日白露後十八日寒露後二十七日立冬後十日大雪後二十日小寒後三十日其日謂之往亡日

四慕容根本是一家宗派

前燕慕容皝之子後燕慕容垂之子西燕慕容冲垂之弟南燕慕容德亦垂之弟一派相承

或相承或相併各自為君

後燕繼前燕而起南燕承後燕而興西燕為後燕所併

西涼主呂氏亡燉煌起事

李暠隴西成紀人北涼段業叛後涼以暠為燉煌太守晉昌太守唐瑤叛北涼移檄六郡推暠為沙州刺史涼公是為西涼成紀今鞏昌府秦州燉煌故城

在陝西肅州衛城西五百二十六里晉昌今太原府忻州沙州

即肅州衛

武昭王名李暠文藝馳名

暠後諡武昭王暠少好學尤善文義有令名嘗著述志賦槐柳賦大酒客賦

彈詞註卷下

傳一代嗣子歆不曾展志

被沮渠兵戰死剗滅無存

暠卒子歆立宋高祖永初元年北涼王沮渠蒙遜伐涼歆戰於蓼泉兵敗被殺西涼遂亡

北涼主盧水胡沮渠蒙遜

事呂光臣段業反覆為人

沮渠蒙遜盧水胡人先為後涼呂光之臣後叛涼攻涼臨松郡板之屯據金山蒙遜從兄男成說光建康太守段業曰呂氏政衰男成等唱大義欲屈府君撫

臨鄯州業許之男成推業為涼州牧建康公蒙遜帥眾歸之業以為鎮西將軍是為北涼晉安帝隆安五

年蒙遜殺段業而自立亦號北涼盧水胡即北地胡城北二里又在故昌松縣南

謀反叛殺親兄借刀他手

初蒙遜欲叛段業謂從兄男成曰段公非撥亂之主欲除之以奉兄何男成曰人親信我圖之不祥蒙

遜乃求為西安太守因與男成約同祭蘭門山而密遣許咸告業曰男成欲謀叛若求祭蘭門山臣言驗矣至期果然業遂收男成殺之蒙遜泣告眾曰吾兄忠於段公枉見屠害諸君能為報仇乎男成素得眾心眾皆憤怒遂擊業殺之

滅西涼佯敗北慣會行兵

蒙遜欲伐西涼主李歆先引兵攻浩亶既至潛師還屯川巖歆乘虛襲張掖蒙遜聞之曰入吾計矣但恐攻黃峪歆聞之喜進乃露布涇蒙遜引兵擊亶將進懷城歆大敗或勸歆還保酒泉歆曰吾違毋言以取敗不殺此胡何面目復見吾母復勒兵戰於蓼泉為蒙遜所殺遂滅西涼浩亶本河名在臨洮府金縣南二十里一名閭門河源出焉寒山峽中流經縣東城川巖地名黃峪惟臨洮府蘭縣西南二十五里有黃峪山未

自稱號張掖公仍投晉魏

彈詞註卷六

三

蒙遜先稱涼州牧張掖公每稱河西王後遣使詣晉益州刺史朱巖石上表於晉云伏聞車騎將軍裕欲清中原願為右翼驅除戎虜又遣宗舒入貢於魏遣子入侍魏拜為涼王

子牧健降魏國俯首稱臣

蒙遜卒子牧健立魏太武伐之牧健遣其弟董來出戰望風奔潰魏兵至姑臧圍之姑臧潰牧健降魏仍拜為征西大將軍河西王

如此樣十六家強胡猾羯

似浮雲黑暗了半壁乾坤

長中短短中長六十四主

十六國共六十四主

十八全天命壽考終身

蜀李雄李壽李勢前趙劉淵劉聰後趙石勒石虎自涼張軌張茂張駿張重華前秦苻健後秦姚萇姚興

西秦乞伏國仁乞伏熾磐夏赫連勃勃後涼呂光南
涼秃髮烏孤秃髮利鹿孤前燕慕容鹿慕容皝慕容
儁後燕慕容垂北燕馮跋南燕慕容德西涼李
暠北涼沮渠蒙遜共二十八主俱得以壽考終
遭地網陷天羅三十有六

被弒者凡
三十六主

血污中多一半不得全身

開攘攘占春風喧簷燕雀

亂紛紛消散去過耳蟲蚊

忽地起溷江龍興風作浪

霎時間沒命鬼滅影潛形

半天下廣孽生番人種類

徧關河薰染做血氣羶腥

彈詞註卷六

三

書生懊憾春秋後

管仲齊桓不再生

事既不同時又異

也由天地也由人

六代瓜分世界五胡雲擾中原縱橫三百有餘年幾度

交鋒索戰 馬過生靈齏粉血流河洛腥羶耳聞猶自

不堪言有眼休教看見 西江月

東風刮散桃花雨

明日天晴別是春

